

1 Korinti

Pauloŋe kulem ire kulemgoep.

¹ Nâmâ Paulo Yesu Kristo yâkgât Aposolo Anutuŋe emelâk Aposologât âiân makmâ katnegep. Nâ akto galanenŋe kotŋe Sostene olop

² Korinti kepian gâtŋe Anutugât kâmot yengât kulem ire kulemgoet. Ulikŋân Anutuŋe ikinŋe hanŋe watmâ oloŋ yekmâ nâŋgât dâtâŋe dâm yengonlep. Yengondo Anutuŋe ye akto luâk bikŋe bikŋe yâgâten manmai amâ Yesu Kristo amâ Humonenŋe dâm manmai ye akto nen hârok Humonenŋe dâm konmaen, arekŋe nen heŋgemgo nenekmap.

³ O galalupne, nâŋe Anutu Ewenenŋe akto Yesu Kristo Humonenŋe yengât hin ulityetkiman. Korinti gâtŋe yengât biwiyenŋe mem heŋgemgom damunyenŋe akmâ okot nâŋgâyengim biwiyenŋe sândugeâkgât akyenŋimbela hainâk tatmâ âgâwai. A bundâk.

Pauloŋe Anutugât nâŋgâmbô ârândânŋe agep.

⁴ Akto Yesu Kristoŋe biwi âlep akyenŋim damunyenŋe akmap aregât Anutu âlepŋerâm aregât Anutu okot âlep nâŋgâ anmâ mepainŋe meman.

⁵ Akto Anutuŋe Yesu Kristogât akmâ wât yengimbo den bunŋe dâmbiâ nâŋgâ nâŋgâyenŋe akto denyenŋe âlepŋeâk miawak yengiep

⁶ aregât nen Kristogât keiŋe makyenŋiyion ain Anutuŋe nâŋgâ nâŋgâyenŋe hulaŋ yengim meme akyenŋimbo dennenŋe bunŋe agep.

⁷ Hain akto sop hinņe amâ Yesu Kristo lâuwâņe purik katbiap dâm lâmgomai amâ Anutuņe wan me wangât laune lokowaigât umburuk akbâirâm tânyengumap.

⁸ Akto sop kâlep manmâ hâkâņ akbâigât yâkņe tân yengumap aregât Humonenņe Yesu Kristo are lâuwâņe purik katbiawân ainâk ye han biwiyenņe âlepņeâk okot âlewân kinbai.

⁹ Akto Anutuņe emelâk nanņe olop biwi konok manņetgât makmâ hâriep are bunņe bo akbpogât dop bo tatâp aregât Humonenņe Yesu Kristo olop biwi konok manmai. Manbiâ âmâ siân Yesu to-gowiawân yekto dosayerņe bo akbiap.

Korinti gâtņande potalagi.

¹⁰ Galalupne, ye Yesu Kristogât kotņe mem agatmâ lau lokoanmai aregât agak meme hin akņet. Ye hârok agak meme konogâk akbei. Akto bo potalakbei. Akto ye hârok nâņgâ nâņgâyerņe konok akto han biwiyenņe konok akmâ manbei.

¹¹ Aregât lâuwâņe makbe. Âmbâle siâ kotņe Kolowe yâkgât kâmolân gâtņe bikņe nâņgâlân to-gom hin makņiņi, “Galalupge Korinti hânân manmai areyengât hutyenņan kuk humo yendâp.” dâyi.

¹² Akto yengâlân gâtņe bikņande hin dâmai, “Nen amâ Paulogât kâmolân gâtņe.” dâmai. Dâ bikņande amâ, “Nen amâ luâk siâ kotņe Apolo yâkgât kâmolân gâtņe.” dâmai. Dâ bikņande amâ, “Nen Petorogât kâmot.” dâmai. Dâ bikņande amâ, “Nen Yesu Kristogât kâmot.” dâmai. Ye hain dâmai aregât nâņgâre ârândân bo akmap.

¹³ Akto yengât pat nâņgâm âmâ hin nâņgân. Kristo amâ potalakmâ bikņe bikņe bo agep. Akto

nâñe yengât dumyênân lâwinân bo kilân. Nâñgât kolân tuân bo kat yegi.

¹⁴ Yengât hutyeñân luâk lâuwâ siâ kotñe Kirisipe akto Gaio, yâk konok tu puli yelegân. Dâ luâk bikñe tu bo puli yegân aregât nâ Anutugât okot âlep nâñgân.

¹⁵ Ageine yengâlân gâtñe bikñande, “Nen Paulo kotñe kondenne tu puli nenegi.” dâwai aregât dâp bo tatâp. Gârâmâ nâ Anutuñe wan me wan agep aregât okot âlep nâñgâ añman.

¹⁶ Woe, nelâm niñdâp. Bundâk Stepana akto yâkgât kâmot amâ tu puli yenjiân. Dâ yengât kâmot bikñe amâ tu puli yenjiân me bo amâ bo nâñgân.

¹⁷ Aregât hin makbe. Nâ Kristoñe luâk âmbâle tu puli yekben dâm bo huñgun niñep. Nâmâ Anutuñe hin dâm makniñep, “Den pat âlepñe are makyenjiwen.” Amâ luâk nâñgâ nâñgâgât bo makyenjiwan. Hain akman dâine Kristoñe lâwinân moepgât kârikñeñe yânñe akbop.

Yesu amâ Anutugât kârikñe akto Anutugât nâñgâ nâñgâñe.

¹⁸⁻¹⁹ Akto Yesu lâwinân kombiâ moep aregât den pat âlepñe aregât keiñe makyenjiwe. Anutuñe makto Yesaianje kulemgoep aregât bikñe hin tatâp, “Nâñe nâñgâ nâñgâ luâk yengât nâñgâ nâñgâyene mem bâliwian. Akto nâñgâ nâñgâyene olop yâk yengât den kondere gewiap.” Anutuñe hain dâmbo bunñe akto luâk âmbâle bikñe wan me wan akmâ hilipkowerâm Yesu lâwinân kilep aregât denñe makmaen are amâ den yânñe dâmai. Akto luâk âmbâle bikñe Anutuñe menenekmap nenñe aregât nâñgâm amâ lâwingât denñe heñgem nengumap

aregât den are âmâ Anutugât kârikņe mem mi-awakmap dâm nângâmaen.

²⁰ Aregât nângâ nângâ luâk amâ yâgâte? Dâ luâk bikņande kulem siâ siâ oyanmâ nângâm heņgemgomai âmâ yâgâte? Dâ sop iregât keiņe nângâ nângâ luâk amâ yâgâte? Amâ Anutuņe hângât nângâ nângâ mendo yânņe akmap.

²¹ Aregât keiņe amâ hin. Anutu nângâ nângâņe humo yendâp aregât nângâm ikinæet hanņe watmâ hin dâep, “Luâk âmbâle nângâ nângârâ arekņe nângât keiņe nângâwaigât dop bo tatâp. Akto nângât hoņ bawa luâk den pat âlepņe makbai aregât pat nângâ nângâ luâk are nângâm den gulip dâwai. Gârâmâ luâk âmbâle bikņe den pat ire âlepņe dâwai.” dâm aregât huņgun nengimbo maktenņe luâk âmbâle bikņande biwiyeņe Yesugâlân katbiâ Anutuņe heņgem yeņgumap.

²² Yuda luâk âmbâle kulem membiâ ekne dâm aregâlâk nângâmai akto Yuda luâk âmbâle bo manmaiņe nângâ nângâgât keiņe hekat nengimbiâ nângâne aregâlâk nângâmai.

²³ Gârâmâ nenņe yeņgât ukenņe bo watmâ Kristo lâwinân moep aregât makmaen den are Yuda luâk âmbâle arekņe nângâm, “Den ire hiaņgimai.” dâm hâkâņ akbiâ nângâ nângâyeņe gulip akmap. Akto Yuda luâk âmbâle bo manmaiņe are nângâmbiâ yânņe akmap.

²⁴ Dâ Anutuņe nângât dâtâņe dâm oloņ ne- negep nen Yuda luâk âmbâle me Yuda luâk âmbâle bo manmai nen hârok hin nângâmaen, Kristoņe amâ Anutugât kârikņe miawagâkgât lâwinân kom- biâ mondo Anutugât kârikņe akto nângâ nângâņe humo miawagep nângâmaen.

²⁵ Amâ hin. Anutuņe makto nanņe moep are bikņande nânġâmbiâ yânņe akmap arekņe luâkgât nânġâ nânġâyeņe ewangimap. Akto Anutugât nanņe moepgât nânġâmbiâ gemap arekņe luâk yeņġât kârikņe yeņe ewangimap.

²⁶ Galama, hinņe maktân areġât keiņe makyenġire nânġâņet. Yeņe agak memeyeņe akmâ memini are nânġâi me? Anutuņe yeņġondo yâkgât kâmolân dewatiyi areġât nânġâm heņġemġowi. Yeņġâlân ġâtņe bikņande nânġâ nânġâyeņe areġât luâk âmbâle bikņande nânġâ yeņġimbiâ geminep. Dâ yeņġâlân bikņe luâk kârikņe bo miawakyeņġiminep. Akto bikņe luâk kotdâ bo akmini.

²⁷ Ġârâmâ Anutuņe areġât luâk nânġâ nânġârâ are hanâk dâm luâk dewunyeņân humomo akmâ âġâ âġâņe akmai are âmâ aņun meyeņġiwiapgât luâk âmbâle yânņe gegeņe dâm nengomai nen âmâ oloņ nenekto nânġâ nânġâ luâk âmbâle arekņe nenekmâ aņun aņġim pâpkomai. Akto luâk âmbâle bikņe, “Kârikņe akmaen.” dâmai are Anutuņe aņun meyeņġiwiapgât luâk âmbâle yânņerâm nengonmai nen amâ oloņ nenekto luâk âmbâle kârikņe arekņe nenekmâ aņun aņġim pâpkomai.

²⁸ Akto Anutuņe luâk âmbâle âġâ âġâņe kotdâ yeņġonmai are yânņe akbaigât luâk âmbâle yânņerâm nengonmap. Nen âmâ oloņ nenekto luâk âmbâle kotdâ are amâ hâmbâi aņun aņġim yânņe akbai.

²⁹ Anutu wangât hain akmap? Hingât. Siân Anutugât enemņân kinbaenân siâņe ikiņe kotņe mem agatbiapgât dop bo tatâp.

³⁰ Areġât Anutuņe ikinġak konok heņġem yeņġuep.

Akto Anutuņe ikinje konok Yesu Kristo olop dewati nenekto kindenņe manman âlepņân kat nenegep. Akto areâk bo. “Yesu Kristoņe nâņgât kâmot wan me wan umburuk manbâi aregât bunņe yeņgiâk.” dâm huņgun aņep aregât nâņgâ nâņgânennje mi-awakmap. Akto Anutuņe nenekmâ dosayeņe bo tatyenģiâp dâmap are miawagâkgât huņgun aņdo giep. Akto aregâlâk nâņgâm yâkgât lau lokomaen aregât wan me wan Yesuņe âi mendo hain agep. Akto Yesuņe hin dâep, “Dosa akmai aregât Ewe-nande kuk bo akyenģiwiapgât nunaet kâmot yeņgât dumyeņân kinbian.” dâep are bunņe miawagâk dâm ikinje nengât dumnennân kilep.

³¹ Aregât Anutuņe makto Yeremiaņe hin kulemgöep, “Luâk âmbâle yeņaet kotyeņe bo mem agat-bei. Humo nenņaet kotņe mem agatmâ heroņe agarņbei.” Hain yendâp aregât keiņe miawakto kotnenņe mem agatbaengât dâp bo tatâp.

2

Pauloņe lâwin parâņaet keiņe makmâ miawagep.

¹ Galama, aregât nâņe yeņgâlân togom âmâ Anutugât pat makyenģiwerân âmâ luâk kotdâ are yeņgât pat bo makyenģiân akto nâņgâ nâņgâ humo olop bo makyenģiân. Bo.

² Yesu Kristo lâwinân moep aregâlâk makyenģiân.

³ Akto yeņgâlân pup pup togoân sop ain âmâ kârıkņe bo miawak niņep. Akto hamep akmâ ongâ hogo hogo malân.

⁴ Akto den magân are amâ luâk nâņgâ nâņgârâņe makmai hain bo magân. Amâ

Anutugât Heakņande meme akyeņgimbo nâņgât den nâņgâmbiâ kârikņe agep.

⁵ Akto luâk yeņgât nâņgâ nâņgâyeņande tân yeņgumbo nâņgâwâi dâm makyeņgiân. Amâ Anutune tânyeņgumbo han biwiyene yâkgâlân katmâ manmâ nâņgâ aņbei dâm makyeņgiân.

Anutugât nâņgâ nâņgâ kârikņe.

⁶ Gârâmâ Yesugât luâk âmbâle bikņe handâ are Anutugât keiņe nâņgâwerâm aktâi are nâņgâ nâņgârâņe den makyeņgimaen. Akto nengât den ire amâ nâņgâ nâņgârâ luâk kembu manmai are hâmbâi yânņe akbai aregât den hainare bo mak yeņgimaen.

⁷ Bo. Ulikņân Anutune hân himbim bo liulewân ain den keiņe nâņgâm heņgemgom hin dâep, “Nâņgât kâmot han kau akmâ manman âlepņân manbai.” dâm makmâ kalep. Anutune hain nâņgâambo luâk âmbâle miawakbiâ den nâņgâ nâņgâ are heambugep.

⁸ Akto hâņgât luâk kembu humomo mali irekņe den pat iregât keiņe bo nâņgâyi. Bo dondâ. Dâ nâņgâyi dâine amâ Pagaleņe Amboņe Humonenņe are lâwinân bo kombâi.

⁹ Aregât Anutune makto kulemgoyi bikņe hin tatâp,

“Anutune yâk han kalem agañmai yâk yeņgât pat mem yeņgiwiap are amâ luâk âmbâleņe bo ekmai akto bo nâņgâmai. Akto han nâņgâ nâņgâyeņande bo nâņgâm heņgemgomai.” hain tatâp.

¹⁰ Are bunņe miawakto Anutugât Heak are huņgun aņdo biwinenņân mendo kotņe siâ siâ are

nângâm hengemgoyion. Aregât keiņe amâ Anutugât Heak kârikņe are konokņe ekmap. Ain tatmapgât Anutugât wan me wan are hârok ekmâ metemap.

¹¹ Akto luâk siâņe luâk siâgât biwiņe ekbiapgât dop bo tatâp. Dâ luâk are ikinjak biwiņe kâlegen tatmap arekņe konok ikinje biwiņe kâlegen ekmap. Aregât luâk niņande Anutugât nâņgâ nâņgâņe are ekmap? Aregât dâp bo tatâp. Anutugât Heak konok arekņe Anutugât wan me wan ekmâ nâņgâmap.

¹² Anutuņe hângât nâņgâ nâņgâ bo nengiep. Borondâ. Gârâmâ Anutuņe, “Nâņgât kâmot wan me wan owâi akmâ yeņgiwian are nâņgâņet.” dâm ikinjaet Heak kârikņe huņgun aņdo kautnennân miep.

¹³ Akto hângât nâņgâ nâņgâņe bo watmâ âmâ Anutugât Heak kârikņande kautnennân memap arekņe den pat âlepņe maknengimbo den keiņe hekat yeņgimaen. Akto nen Heakgât den bunņe aregât makmâ den patņe makyeņgimaen.

¹⁴ Dâ luâk âmbâle bikņe Anutugât Heak arekņe bo meyegep arekņe Heak âlepņe are wan me wan nengimap are bo memai. Aregât lâuwâņe makbe. Hângât luâk âmbâle arekņe, “Woe, Anutugât Heak âlepņe arekņe luâk âmbâle wan me wangât bi-wiyeņe Anutugâlân katmai are yeņgimap are amâ yâņņe.” dâm hâkâņe akmai. Hain dâmai aregât Anutugât Heak âlepņe arekņe okot âlepgât ikinjaet wan me wan luâk âmbâle hain akmai are bo yeņgimap.

¹⁵ Dâ nen biwinenņe Yesugâlân kalion nengât keinenņe amâ hin. Kristogât nâņgâ nâņgâņe emelâk nengât biwinennân talep aregât wan me

wan hâkgât siâ siâ are potat yengimaen aregât luâk siâne hâknenje tunmâ denân bo kat nenekbiap.

¹⁶ Aregât Anutuje makto Yesiaje hin kulemgoep,

“Luâk âmbâleje Anutuje wan me wan nângâmap are nângâm hengemgowaigât dop bo tatâp. Akto siâne Anutu nângâ nângâ hekalanjbiapgât dop bo tatâp.”

Gârâmâ nenâmâ Kristogât nângâ nângânaet den mem manmaen.

3

Korinti gâtjande potalakmâ bikje bikje agi.

¹ Galalupne, nâ yengâlân togo tatmâ ye hângât nângâ nângâ nângâmai aregât nâje ye nananj gurukje yengât dop akmâ Kristogâlân biwiyenje getek kali dâm yaiwâk den yeukje makyengiminiân.

² Akto ye sot kârikje nemberâigât dop bo aregât nananj gurukje dop hainâk manmai dâm sot lâwindâk kârikje bo yengim âmâ namâk hainâk yengiân. Akto hinje hainâk biwiyenje Yesugâlân kârikje bo kali.

³ Yeje galalupne gasa akyengimai akto potalakmai aregât hin dân, Ye âmâ hân luâk yânje akto Heak bâlâk akmai dân.

⁴ Ye bikje, “Nen Paulogât kâmot.” dâmbiâ bikjande, “Nen Apologât kâmot.” dâmbiâ papalakmâ kotyene mem agatmâ galagât hogo hogo akmâ nângâ anjimbâ gemap aregât hângât luâk âmbâle hainare akmai aten.

⁵ Apolo amâ wan akmap? Paulo nâmâ wan akman? Net amâ hoj bawa Anutugât den

makyenġietne nânġâyi. Aregât Kembuġe âi makmâ hârenetkiep dop areâk meyiôt.

⁶ Nâmâ alekġe mem kâmelân. Dâ Apolo amâ âi hele aregât âiġe miép. Dâ Anutuġe âmâ memene waġdo bunġe miawagep.

⁷ Aregât mem kâmetman nânġât bo makbaen. Akto âi hele memap yâġġât gai bo makbaen. Meme agaġdo bunġe miawakmap Anutu yâġġât konok makbaen.

⁸ Akto mem kâmetman akto âi hele akmap net dopnetne konogâk. Aregât hâu âmâ âi netġaet dopġân mem potatmâ memaet.

⁹ Net Anutugât bât tângo, dâ ye âmâ Anutugât âi akto Anutugât emet.

¹⁰ Aregât Anutuġe han kalem akmâ meme akniġep dopġân nâ emet mânġim bunġande hambo tetembeġe kârikġe kât are katere ġiep. Dâ nen hârok emet mânġi mânġigât âi damunġe akmâ manne.

¹¹ Akto hambo gem kindâġġât Yesu Kristo mem petâm panmâ siâ katenġe ġewiap aregât dop bo.

¹² Akto den dopġe maktân are dewatim makbe. Luâk siâġe tetembeġe are kakġân âi âlepġe mem âmâ kât goli me siliwa me puli humo panmâ lâwin kârikġe âlep âlep are mem âmâ emet kârikġe ketuguwiap me dowâk metewerâm konam akmâ lâwin yânġe me dakerâ mâpmâpġe hanâk hanâk mem togo ketuguwiap.

¹³ Benġe hilâm siân umatġe miawakmâ kâlâpġe ondo âmâ luâk âi miép aregât keiġe miawakbiap. Âlepġe me bâleġe miép aregât keiġe miawakbiap. Dop hainâk nen Yesugât âi mem manmaen amâ hâmbâi Anutuġe sop humoân nengât âi dop kom

ekberâm âmâ kâlâp kato ondo nengât âi meme gain gain hinare miawakto ekbaen.

¹⁴ Akto luâk siâñe Yesu emelâk meyi are yengâlân arim ain âi âlepñeâk mendo kinbiâ Anutuñe dop kom ekmâ âlepñerâm hâuñe âlepñe wanñbiap.

¹⁵ Dâ luâk siâ âi mendo kâlâpñe wan me wan oañdo âiñe akto hâuñe bâlâk tatmâ manñbiap. Dâ ikiñe âmâ kâlâp ululunñânba âlepñe tatmâ âgâwiap.

Nen amâ Anutugât opmân bunñe.

¹⁶ Galalupne ye âmâ Anutugât dengât opmân aregât Anutugât Heakñe biwiyeñân tatmap. Are bo nâñgâmai mon?

¹⁷ Akto Heak âlepñande emet ain tatmâ nen olop manñmap. Aregât gasalupnenñande Yesugât kâmot gasa aknengiwerâmbiâ Anutuñe, “Kâmot ire amâ nâñgât aregât nâ olop manñmai.” dâm gasalupnenñe yengumbo mombai. Amâ ye Anutugât sumbe emetñe hainare aregât.

¹⁸⁻²⁰ Akto Anutuñe makto siâñe hin kulemgoep, “Anutuñe nâñgâ nâñgâ luâk are yengât nâñgâ nâñgâyene are mem âmâ luâk are yengumbo gulip akbai.” Akto bikñe hin tatâp, “Humoñe âgâ âgâñe luâk yengât biwi nâñgâ nâñgâyene amâ ekto yânñe akmap.” hain tatâp. Aregât hângât nâñgâ nâñgâ amâ Anutuñe ekto bunñe bo akmap. Aregât ye biwiyeñe bo hianñbei. Akto luâk hutyeñân gâtñe siâñe, “Nâ hân iregât agak meme watmâ manñmâ nâñgâ nâñgâne humo aktâp.” dâmap âmâ yâkñe nâñgâ nâñgâyene are hamiañdo hângât luâk âmbâle ekmâ ire âmâ luâk kopa dâmbiâ âmâ Anutuñe, “Luâk ire nâñgâ nâñgâyene hinñe humo aktâp.” dâwiap.

²¹ Aregât yeŋe luâk siâgât kotŋe bo mem agatmâ yâkgât nâŋgâ nâŋgâŋe bo watbei. Akto siâ me siâ hârok yeŋgât tatmap.

²² Nâ Paulo akto Apolo akto Petoro tânyenġunerâm manden. Akto hângât wan me wan me manmaen me mombaen me wan me wan hinŋe tatmap me beirâ miawakbiap are hârokŋe tânyenġuwaengât manden.

²³ Akto ye amâ Kristogât mandâi. Akto Kristo amâ Anutugât manmap.

4

Aposolo yeŋgât keiyenġe.

¹ Yeŋe âmâ nenŋe makyenġimaengât hin nâŋgâwei, “Pauloma Kristogât keiŋe maknengimai. Hoŋ bawa aganmâ Anutuŋe ulikŋân yoŋâk kalep are mem makmâ miawakmâ damunŋe akmai.” dâwei.

² Akto luâk siâŋe hoŋ bawa siâgât makto launġe lokom âi mendo ârândân akmap dop hainâk âi damunŋe akmâ heŋgemgom mandenŋe ârândân akmap.

³ Akto nunaet keine makbe. Ye me luâk mendugu menduguân yâkŋe luâk nâŋgâ nâŋgâyeŋân nâŋgât denân hâknân hâknân makbai amâ nâŋgâre bunŋe bo akbiap. Akto nunak âkâ nâ nunak den âiân bo kalakbian.

⁴ Bunŋe nunak âi bikŋe mesogân me bo amâ bo nâŋgân gârâmâ Humo ikinġak âmâ nâŋgât keine me agak memene ekmap. Akto denân kat nekbiap.

⁵ Aregât ye Humogât sop boâk miawaktoân luâk âmbâle hâkyeŋe tunmâ denân bo katyekbei. Akto sop are miawakto âmâ Humonenŋe ikinġak gem

âmâ ainâk ikinjak wan me wan bo nângâmaen are mem miawakbiap. Akto hannennân me biwinennân wan me wan nângâmaen are hainâk mem miawakbiap. Akto sop ain âmâ Anutuņe nen hârok âi nennjaet hâu nengiwia.

⁶ Galama, wan me wan yu kulengoân ire amâ Apolo me nâ netņaelân katmâ maktân. Amâ hingât maktân. Ye nângâm heņgemgom Anutuņe makto kulemgoyi are wan me wan yendâp aregât bo lonğaiwei. Hain akmâ yeņjaet nângâmbiâ bo agatbiâp. Akto gala yeņgât nângâmbiâ bo gewiâp.

⁷ Akto niņande potatyekto luâk âmbâle bikņe ewangiyektâi? Akto wan me wan memai are Anutuņe yeņgiep, aregât wangât hin dâmai, “Wan me wan ire siâņe bo nengiep akto nângâ nângâ nenņaelânba miawagep.” hain dâmai? Amâ bo ârândâņ akmap.

⁸ Akto ye hin makbiâ nângân, “Emelâk nângâ nângânenņe humo aktâp. Akto wan me wan emelâk ârândâņ agion. Paulo akto Apolo bo tân nengumbelan nângâ nângârâ agion.” dâmai, amâ netņe bo tânyeņguetņe luâk kembu bo akmai. Wangât ye hain nângâmai? Ye agak meme yeņe âlepņe dâine ye olop heroņe akbâen.

⁹ Aregât hin nângân. Anutuņe aposololupņe nen âmâ luâk yânņe yâk yeņgât kâmolân katnenegep. Bugâgât pat agakņe hainare, hârok dondâņe aņelo me luâk nenekbiâ bâleņe hainâk hinare akmaen.

¹⁰ Nen Kristogât akmâ luâk nângâ nângâ bâlâk akmâ gayion. Dâ ye âmâ Kristogâlân dewatim nângâ nângârâ humo akmâ gayi. Nen âmâ yeukņe gegeņe akmâ gayion. Dâ ye âmâ kârikņe olop akmâ

gayi. Ye âmâ bikņande yekbiâ humo âgâ âgâņe akmai. Dâ nenekbiâ geņeņe akmaen.

¹¹ Aregât nen âmâ tu sotgât mom bâlim manmâ gayionņeak manmâ gaen. Akto himbân hambuņeâk lalakmâ Yesugât keiņe bo nâņgâmai arekņe kuk heņgânâk nenekbiâ emet kepia bâlâk manmâ gayionņeak manmâ gaen.

¹² Akto nenņe bâtnenņande puligât âi humo memaen. Akto hâkgât luâk âmbâleņe den hembalik makmâ giriņ nengimai. Hain akbiâ âmâ nen âmâ Humoņe tân yeņguâk dâm ulilaņmaen. Akto yâkņe âmâ kuk heņgân aknengimbiâ âmâ ainâk hâuņe bo yeņgim âmâ nâņgâm hansumbu akmaen.

¹³ Yâkņe den bâleņe makmâ kotnenņe mem gembia nen âmâ benņe ainâk lumbe den makyenņimaen. Ulikņân akto hinņe hainâk akmai. Nen âmâ luâk âmbâle yeņgât gagap panpanņe hainare akmâ gayionņeak manmâ gaen.

Pauloņe Korinti luâk âmbâle ewe akyenņiep.

¹⁴ Galalupne, nâ den kulengoân ire ye aņun meyegâkgât bo kulengoân. Nâ ye nananļupne dop hainâk akmaigât okot âlep nâņgâ yeņgiman aregât den sami akyenņim damun aganņi goanņi akņetgât den ire kulengoân.

¹⁵ Bunņe ye damunyeņe akmâ Kristogât agak memeân damunyeņe akmai are unduwâk tatyenņimai gârâmâ den pat âlepņe pup pup makyenņiminiân a undup akmâ bo. Nune konok yeņgâlân togom pup pup eweyeņe dop hainâk akmâ den pat âlepņe makyenņire den pat are âlepņe nâņgâyi.

¹⁶ Aregât hin hâmbinmâ wârakyeke. Nâñe agak meme akman are hainâk akbei.

¹⁷ Are miawagâkgât nângâm Timoteo biwiñe Humogâlân kalep yâk yengâlân hungunandere togoâp yâk âmâ nanne hinare okot âlep nânganman yâk âmâ nâñe kepia ârândân ari Yesu Kristogât mendugumai aregât emetñe ain makyengiman aregât makyengiwen dâm hungun andere togoâp.

¹⁸ Akto yengâlânba bikñande Paulo bo togowiap dâm âgâ âgâñe agi.

¹⁹ Dâ Humonenñe yâkñe âlepñe dâmbo âmâ yengâlân dowâk togowian. Togom âmâ sop ain luâk âgâ âgâñe yengât bo nângâm âmâ agak memeyenñe areâk ekbian dân. Togom yengât den bo potatmâ nângâwaen. Amâ agak memeyenñe areâk ekmâ potatbian.

²⁰ Akto Anutugât kâmot yengât kârikñeyenñe amâ den makmai are bo. Bo kârikñe. Patyenñe amâ kârikñeyenñe mem miawakmap.

²¹ Aregât togowianân gain gain nângâwai? Orem miwindik yekbiangât kuk akmâ togowian me? Okot nângâ yengim yeukñân togowian?

5

Luâk bâleñe miep aregât den.

¹ Galalupne, yengât den are siânbañe makniñbiâ nângâre ârândân bo aktâp. Agak meme bâleñe hain arekñe âmâ luâk âmbâle Yesu bo nânganmai are yengât hutyenân miawakto anun angiwâi. Dâ ye âmâ bo anun angiâi. Bâleñe are amâ hin. Yengâlân gâtñe luâk siânñe ewenjaet âmbenñe miep.

² Hain akto bâleŋe dondâ miawagep. Aregât wangât yeŋe yeŋaet nâŋgâmbiâ âgâmap? Hain bo. Bâleŋeyeŋe nâŋgâm makmâ miawakmâ okot bâle nâŋgâm mandâi dâine ârândâŋ akbop. Aregât dowâk luâk are hepunmâ watbiâ yeŋgâlânba ari-wiap.

³ Dâ hâknande âmâ kâlewângen mandân dâ nâŋgâ nâŋgânande âmâ hutyeŋân mandân aregât luâk bâleŋe miep yâkgât dosa miawagâkgât hin makmâ hâreân.

⁴ Yesu Humonenŋe yâkgât kolân konmâ luâk aregât den katmâ maktân. Ye mendugum kinmâ nâŋgât den nâŋgâm akto Humonenŋe Yesu Kristogât kârikŋe olop kinbai

⁵ âmâ ainâk Niambiŋe hâkŋe mem bâlimbo han biwiyeŋe potalagâkgât luâk are watbiâ ariwiap. Hain arim manmâ manmâ âgâambo âmâ hâmbâi Humo are togowiawân âmâ Anutuŋe oloŋdo ikinâet kâmolânâk dewatiwiap. Are miawagâk dâm luâk are watbei.

⁶ Ye âgâ âgâŋe akmai are nâŋgâre bâliâp. Luâk bâleŋe agep aregât keiŋe den dopŋe hin makbe. Nen âmâ bau wiŋe bâleŋe siâ are bo mem panmâ are olop sot ondenŋe âmâ bâlimap. Âmâ kalakŋe akmap. Dâ ye dop hainâk bâliwâigât luâk konok are watbiâ akŋângen ariwiap.

⁷ Nengât lama dosanenŋe bo agâkgât Kristo yâkŋe nengât sumbe akmâ moep aregât akmâ kalakŋe bâleŋe are potatmâ panbiâ arimbo bunŋe âlepŋe areâk akbei. Gârâmâ emelâk irakŋe ma-ligât.

⁸ Hombaŋ irakŋe tatnerâm siâ me siâ kalakŋe âmâ hârok paniâm. Galalupnenŋe yeŋgât

nângâenŋe gemapgât akto bâlene malenegât kalakŋe panmâ âmâ han kau kau akto bunŋe den are mem manmâ heronŋe maronŋe manbaen.

⁹ Galalupne, nâ ulikŋân kulem esenŋe siâ hin kulengoân. Luâkŋe âmbenlupyenŋe hepunyekmâ anŋâ olop hanâk hanâk manmai are gala bo katbei.

¹⁰ Are bâlene akmâ, me sotgâlâk nâŋgâmbiâ humo akmap me galagât wan me wan tatyenŋiâp aregât nâŋgâmbiâ humo akto munenŋ akmâ kâmbu meyenŋimai me lâpiogât nâŋgâmbiâ humo akmap luâk are amâ hângât agak meme aregât egâlianŋmai yâk yenŋât bo magân. Luâk are hepunyekbei dân dâine amâ hân ire hepunmâ himbimân manbâi.

¹¹ Hain bo magân. Nâ hingât kulemgoân. Luâk âmbâle biwinenŋe Yesugâlân kalion dâmai amâ luâk âmbenlupyenŋe egâlianŋgât me lâpio yenŋât yenŋonmâk me galagât hogo hogo akmai me tu kârikŋe nem biwi gulip akmâ bâlene akmai luâk âmbâle hainare amâ hepunyekmâ yâk olop sot bo nembei.

¹²⁻¹³ Akto luâk âmbâle Yesugât kâmolân bo manmai are amâ Anutuŋe konok den âiân katyekbiap aregât nâŋe den âiân bo katyekman. Gârâmâ ye hutyenân Yesu nâŋgâ anŋmai yenŋât dosa denyenŋe makbiâ ârândânŋ akbiâp. Aregât luâk bâlene akmâ ewenŋaet âmbenŋe miep are watbiâ hutyenân bo manbiap.

6

Korinti gâtŋande kiapgâlân arimbiâ Paulonŋe nâŋgâambo bâliep.

¹ Akto den siâ togombo hin nângân. Yengât hutyenân gâtne siâne galaŋaet dosa den mem makbiap are Yesugât kâmot yengâlân bo katmap are amâ keiŋe bo ekmâ nângâmai. Wangât Anutugât den koko luâk are yengâlân ariyi? Hain bo akbei.

² Yesugât kâmot nenŋe sop humoân hângât luâk âmbâle Yesugât kâmolân bo manmai are den âiân katyekbaen aregât nângâi me? Wan me wan hânân yânŋe are makmâ miawakmâ keiŋe miawagâkgât makmâ den âiân katyekbaigât kârikŋe tatyengimap. Hain akto hângât luâk kotdâŋe yengât pat mem miawagâkgât are yengâlân bo ariwei.

³ Akto areâk bo. Nenŋe aŋelo yengât den dât owâiŋe potatbaen. Aregât nen âlepŋe hângât wan me wan den are lâuwâŋe potatbaen.

⁴ Akto den yânŋaet siâ siâ miawakto âmâ luâk âmbâle nângâyengienŋe amâ gegenŋe akmap, luâk hainare yengâlân den ire potatnerâm arimbiâ bo ârândâŋ akmap.

⁵ Aregât yengâlân gâtne nângâ nângâ luâk bo tatâp me? Ye den are nângâmbiâ aŋun yenjaet akŋetdâm kulemgoân. Aregât yengâlân gâtne luâk nângâ nângâyene olop siâ manmap yâkgâlân mem arimbiâ makyengiwiap.

⁶ Ye âmâ hain bo akmai. Hângât kiap me kotdâ Yesugâlân gâtne bo areyengâlai gala olop den dosayene mem miawagâkgât arimbiâ amâ bâliâp. Dâ areâk bo. Anutu bonânŋaŋmai yâk yengâlân mem arimbiâ âmâ dondâ bâliâp.

⁷ Galama, den dosayene Anutu bonânŋaŋmai yâk yengât dewunyenân miawakmap arekŋe biwi kat katyene mem gemap. Aregât hin akbei. Yengâlân

gâtñe siâne galañe bâleñe agaño galañande hanâk dâm yâkñe âlepñeâk agañbiap. Akto yeñgâlân gâtñe siâne galagât wan me wan hilip koaño mâ gulip kombo galañande hanâk dâm hain bo agañbiâp. Ye hain akmai dâine âlepñeâk miawakbop.

⁸ Gârâmâ yeñeâk akmâ bâlimai akto yeñgâlân bikñande galalupyenaet hiangi den makyenjimai.

⁹ O galama, agak meme hain akmai aregât keñe makyengire nângâñet. Luâk bâleñe mem manmai are Anutuñe ikinâet kâmolân bo dewatim katyekmap, ye aregât bo nângâmai me? Ageine biwiyeñe hianbâi gârâmâ luâk âmbâle hainare yeñgât keiyene hin makbe. Luâkñe âmbenlupyene hepun yekmai me dâp gulip manmai me lâpio yeñgât nângâmbiâ bunñe akto manmai me luâk siânba yeñgât nângâm egâlian bâleñe manmai me luâk siânba yeñgât dewunyenân añunñe olowâk akmai

¹⁰ me kuk akmâ yeñgum kâmbu akmai me wan me wan hârok ekmâ egâlianmai me tu kârikñe nem biwi gulip akmai me den hembalik makmai me puligâlâk nângâm luâk bikñe heyengim umburuk akyengimai luâk hain arekñe amâ Anutugât manman are bo ekbai.

¹¹ Akto yeñgâlân bikñande ulikñân ye hain akmâ manmini. Dâ hinñe ire âmâ Humonenñe Yesu Kristo are akto Anutunennaet Heakñande meyekmâ dosayene pulim panmâ Yesugât kâmolân katyekbela biwi âlepñân mandâi akto Yesuñe dosayene mem dumyenân kinmâ moep aregât Anutuñe yekmâ dosayene bo agep dâm yeñgonlep.

Bâleñe membâigât minao den.

12 Galama, ye hin dâmbiâ nângân, “Wan me wan aktenje Anutuje nenekto âlepje akmap.” dâyi. Aregât makyenjiwe. Magi amâ âlepje gârâmâ kotje siâ siâ akmaen, arekje âmâ âlepje bo tân nengumap. Akto wan me wan tat nengiâp aregâlâk egâlianmâ hoj bawa aktenje panâk menenekto bâliwâen.

13 Aregât hin nângân. Sot amâ âlepje Anutuje sotyene dâm nengimâp. Akto nembraengât dâm tep nenje kalep aregât sot amâ âlepje gârâmâ siân Anutuje bâin dâm sot akto tepnenje lâuwâ lâuwâ meteyelekto bo akbiandat. Dâ hâknene amâ wan me wan egâlianâgât dâtâje bo. Are âmâ Humonenjaet damun akmap.

14 Akto Anutuje kârikje akmâ Humonenje mem momonânba agalep hainâk kârikje akmâ nen mem agatnenekto manmannenje irakje mi-awakbiap.

15 Akto hâkyenande âmâ Kristogât hoj bawa agaņmai are bo nângâmai mon? Akto hâkyene âmbâle dâp gulip manmai are olop tatbiâ ârândâņ akmap mon? Bo dondâ.

16 Aregât lâuwâje makbe. Anutuje makto Moseje hin kulemgoep, “Luâkne âmbâle mendo lâuwâje konok akmâ manbiandat.” hain kulemgoep. Aregât luâk siâne âmbâle bâlenje mendo lâuwâje han biwi konok akmâ manmandat, are nângâm henjengowei.

17 Dâ luâk siâne Humogâlân andâmbo yâk olop han biwi konok akto nângâ nângâ konok akmandat.

18 Aregât luâkne âmbenlupyene hepunyekmâ hanâk hanâk âmbâle aņgâ bo meyekbei. Akto luâk

âmbâle bâleŋe akmai amâ dosa memai gârâmâ hâkyeŋe bo mem bâliakmai. Dâ âmbâle hanâk hanâk olop manmâ ikiye hâk mem bâliakmap.

¹⁹ Aregât den umatŋe siâkâ makyenŋire nânŋâŋet. Anutuŋe ikiyeŋet Heak Âlepŋe hunŋunaŋdo biwiyenân miep aregât ye amâ yâkgât emet akmai. Akto ye amâ yeŋaet bo.

²⁰ Yesuŋe Anutugât kugânba ikiyeŋet gilâmŋe kâimbo puligoyegep, aregât ye agak memeyenande Anutu kotŋe konmâ mem agatbeigât hâkyeŋe damunŋe akbei.

7

Luâkdâ âmbendâ yeŋgât den.

¹ Ye kulemgom katniŋbiâ togombo oyaŋmâ meteân aregât wan me wangât ai nuguyi aregât hin makmâ miawaktere nânŋâŋet. Luâk Yesugât kâmolân gâtŋande âmbâle bâlâk manbian dâm amâ âlepŋe hain akto ârândân akbiap.

² Gârâmâ egâlianŋgât dâp dondâ yendâpgât luâk âmbâle hanâk hanâk dâp gulip manbâi dâm âmbâleŋe luâk ambonân ambonân meyekbei. Akto luâk âkâ hainâk âmbenlupyenŋe ikiyeâk ikiyeâk meyekbei.

³⁻⁴ Akto âmbâleŋe ikiyeŋet hâkŋe are bo damunŋe agaŋgimap amâ luâkŋande damunŋe agaŋmap aregât âmbenlupyenande hâkyeŋe luâklupyenŋe bo gangerâ yeŋgiwei amâ âlepŋeâk yeŋgiwei. Akto hainâk luâkŋe ikiyeŋet hâkŋe bo damunŋe agaŋgimap amâ âmbenŋande damunŋe agaŋmap, aregât luâklupyenande hâkyeŋe are âmbenlupyenŋe bo gangerâyeyŋgiwei amâ âlepŋeâk yeŋgiwei.

⁵ Aregât ye âmâ luâkdâ âmbendâ hâkyeje bo gangerâ angiwei. Gârâmâ luâk âmbâi lâuwâ siâne Anutu kârikje ulilanbaet dâm âlepje sop ainâk Anutu ulilanbiandatgât tâlâwâk hâkyetje gangerâ anjim Anutu ulilanbela nângâmbo âlepje akbiap. Dâ ulit sopje bo akto hamiñângen Niambiñe heyetkim bâleje aget dâwopgât âlepje luâkdâ âmbendâ meakbiandat.

⁶ Dâ ire makberân amâ bo makmâ hâreyenjiwerân. Bo. Maktere nângâmbiâ bâliwopgât makyenjiân.

⁷ Nune âmâ hin maktân. Luâk hârok nâje âmbâle siâ bo meân hainâk bo akmâ manbei gârâmâ are bo akmai. Dâ Anutuñe kârikje ikinjeâk ikinjeâk menengimap siâne siâñaet memap. Akto siâne siâñaet memap aregât kârikje a areâk yenjiep aregâlâk nângâm manbei.

Luâk âmbâle sigan akto kambut yengât den.

⁸ Akto luâk âmbâle sigan akto âmbâle luâklupyene moyi are yengât âmâ hin makbe. Ye nâje âmbâle bo meân, ye hain luâk âmbâle bâlâk manbei amâ âlepje akbiap.

⁹ Gârâmâ luâk âmbâle biwiyene kârikje bo damunje akmai arekje âlepje luâkdâ âmbendâ akmâ manbei. Akto egâliangât kâlâpje mem bâli yekbopgât luâkdâ âmbendâ akmâ manbiâ huraguwiâp.

Luâkdâ âmbendâ yengât den.

¹⁰ Akto luâkdâ âmbendâ yengât den maktere nângâñet. Akto ire nângât den a konok bo ire Humonennande tân nugumbo maktân, âmbâle luâkdâñe luâklupyene bo hepunyekbei.

11 Dâ âmbâle siâ emelâk luâk hepulep aregât luâk siâ bo membiâp. Me luâkne emelâk hepulep are olop maganġimbela âlepne dâambo penianġiwandâ. Akto luâk âmbendâ ye âmâ âmbenlupyeņe bo hepunyekbei.

12 Dâ ye bikne luâkdâ âmbendâ agi yenġât den ire Humonenġande bo magep amâ yân makbe. Yenġâlân gâtne luâk siâ hinne Yesu nânġâ anep gârâmâ âmbenne âmâ Yesu bo nânġâ anep yâġgât hin makyenġiwe. Âmbenlupyeņande âlepne dâmbiâ âmâ âlepne meyekbiâ manbei aregât bo hepunyekbei.

13 Akto âmbâle hinne Yesu meyi âmâ luâklupyeņe Yesu bo nânġanmai yenġât hin makyenġiwe. Luâklupyeņande âlepne dâmbiâ âmâ hanâk bo hepunyekbei.

14 Aregât keņe hin. Nan baratlupyeņe emelâk Anutugât pat akmâ manmai aregât nan baratlupyeņe bâliwâi dâm Anutuņe âmbâle ekmâ nânġât kâmot dâmap, aregât luâkne bo nânġâniņmap are nânġât kâmolân katbian dâmap. Akto luâk Yesu nânġanmap âmbâle Yesu bo nânġanmai are yekmâ nânġât kâmolân katyekbian dâmap.

15 Akto Anutuņe yeuknân gala akmâ manġetgât nengonmap aregât luâk me âmbâle Yesu bo nânġanmai arekne âmbenlupyeņe me luâklupyeņe hepunyekberâm âlepne hepunyekbai.

16 Gârâmâ âmbâle Yesugâlân gâtne arekne luâklupyeņe olop manmâ makyenġimbiâ luâklupyeņe Yesugâlân biwiyeņe âlepne katbai. Akto luâk yekâ hainâk âmbenlupyeņe olop manmâ

yaiwâk akyenġimbiâ âmbenlupyenġe Yesugâlân biwiyenġe katbai, areġât bo nânġâmai areġât luâkdâ âmbendâ dowâk bo hepun akbai.

Ulikġân malion hainâk manniâm.

¹⁷ Galalupne, ye hârok hin makyenġiwe. Nâ mendugumai emet ain hârok âġâm hin makyenġiman. Anutuġe ye oloġ yekmâ ikinġaet kâmolân katyeġep sop ain ye kin kin gain gain kili. Akto Humonnenġande kin kinyenġe gain gain yenġiep areġâlâk nânġâm manbei.

¹⁸ Areġât ye Yuda ġâtġe ulikġân hâkyenġe ġâiyi are Anutuġe oloġ yeġep ye âmâ Anutuġât pat hâkyenġe ġâiyi areġât tiripġe bo gulip goanġiwei. Dâ bikġe Yudaġât agak meme bo watmâ âmâ hâkyenġe bo ġâiyenġiyi hain akbiâ ainâk Yesuġe oloġyeġep, ye âmâ ġâinenekbei hain bo nânġâwei.

¹⁹ Are lâuwânġe makbe. Hâkyenġe ġâi ġâigât me bo ġâi ġâigât are Anutuġe bo ekmâ nânġâmâp. Akto yâkġe âmâ nen lauġe lokom manbaen are ġâlâk nânġâmâp. Areġât hâkyenġe ġâi ġâigât bo nânġâwei.

²⁰ Galama ye kin kinyenġe ain me ain kinbiâ Yesuġe yenġonlep kin kin ainâk kinbei.

²¹ Dâ hoġ bawa âi membriâ yenġonlep are nânġâmâk bo akbiâ âmâ kambiamyenġe umatġe bo akbiap. Ġârâmâ damunlupyenġe âlepġe arinġet dâmbiâ âmâ ainâk hoġ bawa aġanġmai arewa sopanmâ yenġât manmanyenġe yeâġġât damunġe akbei.

²² Dâ areġât siâkâ makbe. Ye hoġ bawa âi manmai are Humonnenġande yenġonlep areġât yenġe luâk me siâ siâ hoġ bawa bo akyenġimaen dâm heronġe akbei. Dâ yenġe siâ hoġ bawa bo aġanġimai

are Humonenne yenjonlep aregât Kristo honj bawa aganmai.

²³ Yesune Anutugât kugânba yengât dumyênân kinmâ puligoyegek aregât Humogâlâk nângâm luâk yenjaet bo nângâ anjiwei. Amâ Kristo konok nângâ anbei.

²⁴ Hain akmâ uliknân Humonenne olon yegewân gain mali, a hainâk mem manmâ sop hinne âkâ kinmâ Anutugâlân dewatiwei.

Luâk âmbâle sigan yengât den.

²⁵ Akto ye sigan yengât hin makyengire nângânet. Humonennde bo makniņep âmâ nunak maktân aregât Anutu lumbe Amboņe arekņe nângâ niņdo ârândân akmap aregât nângât den tângomap.

²⁶ Sop hinne dâtņe metņe dondâ miawaktâpgât ye luâkdâ âmbendâ manmai me sigan manmai hainâk manmâ âgâwei.

²⁷ Aregât yengâlân bikņe luâk âmbendâ emelâk agi ye âmbenlupyeņe bo hepunyekbei. Dâ luâk sigan manmai yeņe âmbâlegât bo makbei.

²⁸ Dâ âmbâle memberâm akmâ membriâ bo bâliwiap. Akto âmbâle sigan hainâk luâk mendo bo bâliwiap. Akto hain arekņe hângât umatņe miawakyengiwopegât hain kulengoân.

²⁹ Galalupne, umatņe dondâ miawak yengiwiapgât sop tâlâwâk aktâp aregât âmbenlupyeņe olop mandâiņe âmbenlupyeņe aregâlânâk bo nângâm manbei.

³⁰⁻³¹ Akto hânân âlepņe manmai ire bo akbiap aregât indemaiņe inde bâlâk manmai hain are akbei. Heroņe maroņe akmaiņe manmâ hero maro bâlâk manmai hainare akbei. Akto siâ siâ mem

anġim nene manmaine âmâ imâ nengât bunne borâm manbei. Akto hân iregât tiripne bo akbi-
apġât hângât wan me wan mem manmaine âmâ
ire nânġâenne humo akbop dâm aregât nânġâmbiâ
gewiâp.

³² O Galalupne, biwiyene umatne akbop
dâm maktân. Akto luâk âmâbâle bâlâkne
Humonennaet âinjaet nânġâmâk akmai hain akmâ
Humonennaende nenekto ârândân agâk dâmai.

³³ Dâ luâk âmâbendâylene âmâ hângât nânġâm
hanoko akmai. Akto âmâbenlupyenda
nânġâyengimbiâ herone âlepne agâkgât manmai.
Hain akmâ Humonennaet me âmâbenlupnenne
yengât ukenne akne dâm han lâuwâ akmâ
manmai.

³⁴ Akto âmâbâi sigan yâkâ hainâk Humonennaet
âinjaet nânġâmâk akmai. Akto han biwiyene
Yesugât dâtâne agâkgât nânġâmai. Dâ âmâbâle
luâkdâne âmâ hângât nânġanmai. Akto luâklupylene
yengât nânġâyengimbiâ herone ârândân agâkgât
nânġâmai.

³⁵ Ye hârok âlepne mannetgât dâm den are
makyengiân. Dâ ye hin me hain aknet dâm
wârakmâ hâwâtyekbegât hain bo makyengiân. Ye
hanâk hanâk bo manmâ âmâ biwi kambiamylene
mendugumbiâ Humogâlân lâwindâk kilâkgât
maktân.

³⁶ Akto ewe siâne baratne âmâbâi sigan tat tatne
akbop dâm âlepne luâk siâ wanġo mendo bo
bâliwiap.

³⁷ Dâ luâk ewe siâne nânġâ nânġâ kârikne tatmap
yâkne baratne yân tatbiap dâm nânġâmbo âmâ

ârândân akbiâp. Akto owâim hain makmâ kârikne ketugumbo ârândân akbiâp.

³⁸ Haingât luâk siâ baratne luâgân kato âlepne akbiap. Dâ siâne baratne siganâk malâk dâm gangerâmbo âmâ ârândân akmâ henngemgowiap.

Kambut yengât den.

³⁹ Akto ye âmbâle luâkdâ hin makyengire nângânet. Ye luâklupyene olop manmâ âgâm bo hepunakbei. Dâ luâklupyene mombiâ âmâ âlepne luâk siâ Humonennde meyegi aregâlân gâtne luâk siâ ukenne nângâm memberâm âmâ âlepne membei.

⁴⁰ Dâ luâk bâlâk yân manbian dâm manbai aregât agak meme bikne âlepne ewangiyekbiap. Hain akto herone akbai, hain nângân. Ire nune den. Dâ Anutugât Heaknde tân nugumbo maktân.

8

Lâpio yengât sotgât hanokoakmâ mali aregât den.

¹ Akto Korinti kepiian manmâ Yesu bo nângâmai yâkne sot songo lâpio yengât enemyenân katmâ om nem bikne anjim neneân katmai ye are nângâmbiâ han lâuwâ agep are nângân. Aregât hin makbe. Yengât biknde hin dâmai, “Nen keine nângâ nângârâ humo manden aregât hanâk wan me wan mendenne ârândân akmap.” Ye hain dâmbiâ are nângâre bunne akto gârâmâ nângâ nângâgât keine âmâ kotyene mem agat agat miawakmap. Dâ okot âlep akyengim manbiâ âmâ kambiamyene kârikne ketugumap.

² Aregât yengâlân gâtņe siâ nâņgâ nâņgâne emelâk humo aktâp dâmap âmâ yâkgât nâņgâ nâņgâne bunņe bo yemap.

³ Dâ yengâlân gâtņe siâ âmâ Anutu okot âlep agañbiap yâk âmâ Anutuņe nâņgâm heņgemgoañbiap.

⁴ Lâpioğât sot soņgogât âmâ hin nâņgâmai. Lâpio âmâ siâ me siâ yânņe bunņe bo. Anutu konok amâ bunņe.

⁵ Kembulupņe himbimân mandâi me hânân mandâi amâ yem ariâi aktâp.

⁶ Dâ nen âmâ Anutu Ewenenņe konok mannengimap. Yâkgâlânba siâ me siâ miawaknengimap. Akto nen yâkgâlân manden. Hain akmâ Kembu konok Yesu Kristo yâkgât bâtnânba siâ me siâ hârok miawagep akto nen manmâ metien.

⁷ Gârâmâ nengâlân gâtņe bikņe aregât keiņe hain âlepņe bo nâņgâm heņgemgomai, akto hain arekņe ulikņân lâpio bunņe dâm mali, yâk hinņe Yesu nâņgaņmân âmâ sot hain are nem âmâ biwiyenņe kârikņe bo aregât lâpio arekņe biwiyenņe mem helen ketugumbo umatņe akmap.

⁸ Akto Anutuņe sotgât akmâ bo nâņgâ nengimbo âlepņe akbiap. Aregât sot lâpio yengâlânba are nendenņe Anutuņe bo nâņgâm mem agatnengi-wiap. Me bo nendenņe nâņgâm bo mem ge kat nenekbiap.

⁹ Gârâmâ yengâlân gâtņe, “Wei are emelâk nâņgân hanâk hanâk nendenņe ârândâņ akbiap.” dâmai ye âmâ hin akbei. Galalupyenņe biwi getegâk Yesugâlân kali areyengât biwiyenņe gulip akyenņiwopgât nâņgâm heņgemgowei. Akto sot

nemberâm âmâ galalupyene are yengât ukenne nângâyengiwei.

¹⁰ Aregât bikne makbe. Ye biwiyene kârikne ya maktân hamianmâ panmâ hanâk lâpio emetjân âgâm sumbe nem tatbiâ galayene siâ biwiñe kârikne bo arekne yekto, “Wei, nâkai âgâm nendere âlepne akberâp.” dâm âgâm nem tato haminjân biwiñe bâlimbo dosa akbiap amâ hâuñe amâ yengâlân miawakbiap.

¹¹ Amâ ye hanâk nângâ nângânenne kârikne aktâp dâmai, aregât galayene Kristone yâkgât dumñân kinmâ moep arekne yekmâ âgâm mem nendo bâliwiap. Dosa are amâ yengâlân.

¹² Ye hain akbiâ bâleñe dondâ akbiap. Amâ ye hain akmâ galayene biwiñe getegâk kalep are mem bâlimbiâ biwiñe gulip akbiap. Aregât dosa amâ yengâlân. Dâ areâk bo. Ye hain akbiâ âmâ Kristogât kotne bâliwiap âmâ dosa amâ yengâlân miawakbiap.

¹³ Aregât nâ sumbe nendere galanande aregât nekto biwiñe bâliwopgât aregât nângâmâk akmâ lâpiogât sot bo nem manmâ mombian. Akto sumbe borâm yân manmâ mombian. Aregât ye hain akbei.

9

Aposolo yengât keiyene.

¹ Galalupne, yeñe nâ hâkne tunbaigât dop bo tatâp. Aregât keiñe hin. Nâ Aposolo Humonenne Yesu are egân aregât wan me wan ektere bunne akmap. Akto areâk bo. Niñande pup

pup den pat âlepņe makyenġimbo biwiyenġe Humonnenġaelân katmâ manmâ ye miawaktâi? Amâ nâ.

² Akto siânba bikņande, “Paulo amâ luâk yânņe aposolo bo.” dâyi. Den are nânġâm bo hanokoakman. Akto nânġâm âmâ nâ Aposologât âi mem mandere ye Humonnenġaelân dewatiyi are nânġâm heņgemgom luâk areġât den bo nânġâwei.

³ Luâk Paulogât keiņe ekne dâmbiâ kotne bâliwop dâm den hâuņe âmâ hin makyenġire nânġâņet.

⁴ Nâ Aposolo âi mem mandere hâuņe niņbiâ ârândâņ aktâp. Gârâmâ hain bo akman.

⁵ Akto Aposolo bikņe akto Yesugât emilupņe akto Petoro yâk âmbenlupyenġe olop âiân arimai. Akto âmbenne tatniņdâp dâine yâk olop arire ârândâņ akbop.

⁶ Akto areâk bo. Aposolo bikņande ulityenġimai are ârândâņ akmap. Dâ nâ akto Banaba netkâ hain ulityenġietņe dâine ârândâņ akbop. Gârâmâ netņe umat yenġiwâet dâm bo ulityenġim âmâ âi mendenņe net wan ketuguyiot are hâukombiâ netġât sot hâukoyiot.

⁷ Areġât den dopņe hin. Tembe loko âi mem arimai damunlupyenġande hâuņe yenġimai. Akto kalam amboņe âi mem mando sot âlimbo bikņe nemap. Akto makao damunņe âi mem manmâ bikņe nemap. Areġât Aposologât âi mem manman areġât hâuņaet ulityenġiman dâine ârândâņ akbop.

⁸ Are amâ luâkgât nânġâ nânġâņe bo tân nugumbo maktân. Anutugât den kulemgoyi arekņe hain dâmap are nânġâm hain kulengoân.

⁹ Den kârikņe hainâk miawaktâp âmâ hin. Anutunġe makto Mosenġe kulengoep bikņe hin tatâp,

“Bulimakaonje âi mem mando ainâk sot nembop dâm launje bo dâgâm gisapkowei.” hain yendâp. Den are Anutuñje bulimakao yengât konok nângâm bo magep.

¹⁰ Anutuñje nengât hain magep. Luâk siâñje âi kâmet kâmet are yân bo akmap. Sop siân sot bunñje miawakbiap aregât ukennje nângâm akmap. Akto luâk siâ sot pitim mendugum katmap are âkâ hainâk bunñje membian dâm akmap. Anutuñje aregât hain makto Mosenje kulemgoep.

¹¹ Aregât nen yengâlân biwigât âi siâ siâ mem hengemgoyegiongât hâuñje yengâlânba hângât siâ siâ menegât nângâenñje ârândân akmap.

¹² Dâ nen âmâ hain bo nângâmaen. Akto yengâlân gâtñje makyengimai are yengât bikñjande ulit yengimai. Dâ nen âmâ ewangi yekmaen aregât ulit yengienñje âmâ ârândân dondâ akbop. Dâ amâ hain bo akmaen. Dâ bo ulit yengimaen arekñje agak meme bikñje ewangimap. Aregât siâkâ makbe. Kristogât den pat âlepñje bâliwop dâm yengâlânba sot me puli me wan me wan menegât mak makñje are menegât nângâm dâm bo ulityengimaen.

¹³ Akto luâk sumbe opmânân âi memai yâk âmâ sumbe bikñje memai. Akto luâk siâ alatan sumbe ogo yâk âmâ alatagât siâ siâ bikñje memai, are emelâk nângâi. Aregât nângâm hengemgowei.

¹⁴ Haingât Humonenñje nengât hin dâep, “Nângât den pat âlepñje makmai are bâlâk manbâigât âi mem manbiâ den nângâwerâm mendugum kinmai arekñje hâuñje yengiwei.”

¹⁵ Dâ nâmâ dâp are watman dâine ârândân akbop. Gârâmâ nâmâ dâp are bo watman. Amâ

ye aregât âlepņe akniņņetgât nâņgâm âmâ ire bo kulengoân. Bo dondâ. Nâņgât heroņe bo akbopgât luâk siâņe siâ me siâņe mopņe nugumbo mombian are âlepņe dân.

16-17 Akto den pat âlepņe makyengiman âi are nâņgât kakņân kali aten. Dâ âi aregâlâk nâņgâm manman dâine manmâ hâuņe membom. Akto Anutuņe âi ire niņmâ huņgun niņep are nune hangât bo meân. Hain akman dâine âi are bo mendere âmâ yei, umatņe bâleņe miawak niņbop. Aregât hâuņe bo ulit yeņgim sot wan bâlâk manman, aregât nâņgâm heroņe akman. Mombian are âlepņe dân.

18 Akto nâ hâuņe wan meman? Hin. Âi meman aregât hâuņe niņbiâ ârândâņ akmap gârâmâ hanâk hâuņe are bo niņņet dâm yân hâuņe bâlâk arim makyengiman. Aregât biwine heroņe akmap.

Paulo luâk keiņe keiņe are yeņgât hoņ malep.

19 Akto siânbaņe nâņgât magangi niņbiâ nâņgâm hanâk dâre umatņe bo akmap. Nâ luâk hârok yeņgât hoņ bawa bo manman yeņgât hanâk hoņ bawayeņe agân. Are luâk âmbâle dondâ den pat âlepņe nâņgâm Yesugâlân dewatim manņetgât nâņgâm agân.

20 Aregât Yuda luâk âmbâle âlepņe akņet dâm Yuda agak meme watmâ makyengiman. Akto den kârikņeet hoņ bawa manmai yeņgâlân manmâ luâk âmbâle ire âlepņe akņet dâm hainâk den kârikņeet hoņ bawa agân. Dâ nunak den kârikņe lokore Anutuņe nekto huraguâkgât bo malân.

21 Luâk âmbâle den kârikņe bo nâņgâmai are yeņgâlân arim manmâ luâk âmbâle ire âlepņe akņet

dâm hainâk den kârikņe bo nâņgâmai are hainâk agân. Dâ nunak âmâ Anutuņe Kristogât den kârikņe katniņdo are mem mandân.

²² Akto luâk âmbâle yeukņe manmai yâk yeņgât bikņande Yesu nâņganņetgât dâm hainâk yeukņe agân. Akto luâk âmbâle keiņe keiņe siâ siâ Anutuņe heņgemgo yegâkgât dâp siâ siâ mem yâk hainâk akmâ âi mem manmâ yu gan.

²³ Siâ siâ hârok are yân bo. Yesugât kot patņe mi-awakmâ ariâkgât akman. Akto nunak âkâ aregât hâuņe memberâm akman.

Paulo kârikņe akmâ pârigeļ.

²⁴ Akto aregât den ginņe makbe. Dop agakņân luâkņe wan me wan katbiâ tato memberâm pârigitmai. Akto wan me wan amâ konokņe wârakmapņe togom memap. Akto ye dop hainâk hâuņe wan me wan memberâm âi humo membei.

²⁵ Akto luâk yâkņe âmâ kârikņe akberâm ukenņæet bo nâņgâm hâkyeņe heņgem agum hâuņe memberâm âi humo memai. Dâ hâuņe are amâ buluņe yânņæet dowâk dipkomap aregâlâk nâņgâm pârigitmai. Akto nen âmâ pârigit arimaen nâņgâ nâņgânenni yeukņe akbop dâm damunņe akmaen. Akto nenņe hâuņe kârikņe membaen.

²⁶ Aregât nâ nunak gai pirâman. Hain akmâ horat kat katņe a tiņ tiņâk ekmâ kinmâ pirâman. Nâ soņ soņ are dâp pânân gulip bo panman.

²⁷ Bo. Nune yânņe akbomgât hâk biwine mem geakmâ damunne akman. Amâ bikņe makyenģiân aregât hâu bâlâk manbomgât.

10

Yuda yengât den pat.

¹ Galama, Yuda nengât hakulupnenne siâ me siâ mem mali aregât keiŋe nelâmyenŋiwopgât makyenŋire nânŋâŋet. Anutuŋe yâk yeŋe hârokgât damunyeŋe akto aregât hamandatŋe dâp hekat yengimbo arim haru hâtikoyi.

² Akto areâk bo. Anutuŋe makto Moseŋe damunyeŋe akto siâ siâ âlepŋe hamandatgât pat akto harugât pat miawakyenŋiep.

³ Akto Anutuŋe sot akto tu yengimbo hârokŋe neyi.

⁴ Akto tu aregât keiŋe hin, Anutuŋe bâgilupnenne kât siâ hekat yengimbo kât kâlegenba tu gembo neyi dop hainâk Anutuŋe Kristo huŋŋunaŋdo hamiyenân arimbo yâkgâlânba kârikŋe gembo meyi.

⁵ Akto Anutuŋe bâgilupnenne bikŋe agak memeyenâet nânŋâm bâlimbo hân yânŋân mom meteyi.

⁶ Yâk yengâlân are miawagep kulem arekŋe nengât den minao aktâp. Akto nen yâk bâleŋaet okot tuk tuk agi hainâk akbâengât den are tatâp.

⁷ Anutugât denŋande hin dâmap, “Luâk âmbâle lâpio yengât meteyenân sot om nem kep mem bâleŋe agi.” aregât ye nânŋâm heŋgemgom hain bo akbei.

⁸ Akto yâk yengâlân gâtŋe bikŋe egâlianŋe bâleŋe akmâ luâk âmbâle hanâk hanâk mem hepun akmâ bâleŋe agi aregât Anutuŋe yengumbo kâmot humo 23 tausen moyi. Nen hain akbâengât den are oyaŋmâ hamewakmâ âmâ nen hain bo akbaen.

⁹ Akto yâk yengâlânba siânbaņe Humonenņæet dewunņân âgâ âgâņe keiņe keiņe akberâmbiâ dop yenguep. Aregât mulumņe yengimbiâ moyi. Nen hainâk Anutu dop kom bâlewâengât den are oyaņmâ hamep akmâ hain bo akbaen.

¹⁰ Wan me wan Anutuņe yengimbo ekbiâ giep. Akto yâk yengâlânba bikņande, “Anutuņe bo damun nenņe akto âmâ lâpio kotņe mem agatne.” dâmbiâ âmâ mem bâli bâli aneloņe mem bâliyekmâ metiep. Aregât nen hain henengiwo p dâm den are oyaņmâ hamep akmâ hain bo akbaen.

¹¹ Yâk yengâlânba siâ siâ miawagep arekņe ye hain akbâi dâm dop kalep. Akto hân purik âgâwiapgât sop ewumâk manden nengât Moseņe den minao ire kulengoep.

¹² Aregât yengâlân gâtņe bikņe nen âlepņe bâleņe bo akbaen dâm âmâ bâleņe akbâigât han biwiyene damunņe akmâ heņgemgom manmâ âgâwei.

¹³ Akto yengâlân dopko dopko miawakmâ togomap are luâk hârok nengâlân miawakmap. Gârâmâ Anutuņe nengât akmâ manmap yâkņe biwiyene ekmâ biwi yeņæet kârikņe bo akbop dâm dopko dopko miawak yengimboân ainâk biwiyene kârikņe ketugumap, âlepņe manbaigât dâp tatyengîâp.

¹⁴ Aregât akmâ lâpio kotņe mem agat agatgât are hepunbei.

Kembugât sot nem gaetņe lâpiogât sot bo nembaen.

¹⁵ Galalupne, ye nâņgâ nâņgâ olop mandâi aregât den ire maktere yeņak nâņgâm ekņet.

16 Hâpuân wainj kâim yengimaen are Anutuņe ekmâ âlepņe dâmap. Aregât Anutu okot âlepgât mepaiņe mem maņganmâ aņgim nemaen. Aregât mendugum kinmâ Kristogât gilâmņe nengât kâiep dâm nâņgâm heņgemgomaen. Akto okot âlepgât maņganmâ aņgim akmâ sot mem munditmâ nem Kristo olop kâmot konok akmaen aregât mindugum kinmaenân Kristo nengât dâm hâkņe yengimbo mem bâliyi are nâņgâm heņgemgomaen.

17 Sot koaņe konok aņgim akmaen aregât bunņe nen luâk âmbâle dondâņe gala kâmot konok akmaen.

18 Akto ye Yuda luâk agak meme memai are nâņgâm heņgemgoņet. Sumbe katmâ ombiâ ondo nemiâ âmâ ainâk Anutuņe meme wâtņe akyengimbo kâmot konok akmai.

19 Gârâmâ den yu kulengoân aregât keiņe hin. Luâk âmbâle lâpiogât sumbe omai arekņe âlepņe bo aktâp. Akto lâpio are âkâ bunņe bo aktâp.

20 Gârâmâ luâk âmbâle Anutugât bo nâņganmaiņe lâpiogât sumbe omai are amâ sinduk baniara bâleņet nâņganmâ omai. Aregât nâ yengât hin maktân. Ye sinduk baniara bâleņe are yengât bonâņgâ yengwei. Amâ sinduk baniara olop kâmot konok akbâigât.

21 Ye mendugum emet siân âgâm Humoņe nengât moep nâņgâm aregât sot tu nem metem amâ ainba gain gain arim sinduk baniara bâleņe olop menduguwai? Hain bo akņet. Ye Humogât sot kat kat ainba sot nem manmâ amâ ainba sinduk baniara yengât kat kalânba sot nemiâ amâ bâleņe dondâ akmap.

22 Ye sinduk baniara areyengât nâņgâmbiâ

humo akto âmâ Humonje nângâ yeŋgimbo bâleŋe akmap. Are miawagâkgât hain meyi mon? Nengât kârikŋenennande âmâ Anutugât kârikŋeŋe ewangimap dâmai mon?

Wan me wan hârokŋe âmâ bo tân nengumap.

²³ Akto ye hin dâmbiâ nângân. Kotŋe siâ siâ hârok tatnengimap are mem mandenŋe ârândân akmap dâyi. Aregât makyenŋiwe. Bundâk magi. Gârâmâ kotŋe siâ siâ hârok tatyenŋimap arekŋe âmâ âlepŋe bo tânyenŋumap. Akto biwiyenŋe bo mem kârikŋe ketugumap.

²⁴ Aregât ye yeŋaet bo nângâm âmâ galalupyenŋe yeŋgât nângâ aŋgiwei.

²⁵ Han lâuwâ akbâigât ye kâmolân songo puligowerâm nângâm hanâk puligom om nembei. Akto sot ire yânŋe me lâpio dewun yeŋânba togoâp hanâk om nembe dâm makmâ nângâmâk bo akbei. Akto hanokoak bo akbei.

²⁶ Amâ hingât. Hân ire âmâ Humonennjaet aktâp. Akto wan me wan hânân yendâp akai Humonennjaet aktâp.

²⁷ Dâ luâk âmbâle Anutu bo nângâ aŋmaiŋe yeŋgâlân gâtŋe siâŋe yeŋgondo emetŋân âgâmbiâ sot songo om yeŋgimbo nângâmâk bo akmâ hanâk nembei. Akto ai pei bo aŋaŋbei.

²⁸ Gârâmâ siâŋe songo ire lâpio yeŋgât sumbe dâmbo âmâ luâk aregât nângâmâk akmâ borâwei. Are nembia luâk makyenŋimbo aregât biwiŋe bâliwop dâm bo nembei.

²⁹ Luâk aregât biwiŋe bâlewop dâm hain akbei. Dâ biwige âmâ âlepŋe agâk. Aregât hin makbei. Nâ wan me wan nendere biwine ârândân akmap

aregât luâk siâne nângât nângâniŋdo wangât bo bâlimap.

³⁰ Akto nâ Anutuŋe han kalemŋaet niŋepgât akmâ mepai meanmâ sot nendere wangât siâne nângâm bâliniŋdâp?

³¹ Gârâmâ hin akbei. Ye sot sonŋo nemberâm me wan me wan akberâm Anutu okot âlep aganmâ kotŋe mem agatmâ mepaiŋe membei.

³²⁻³³ Akto nâ luâk keiŋe keiŋe arekŋe nekbiâ âlepŋe agâkgât neman. Dâ nunaet siâ siâ âlepŋe akmangât bo nângâm luâk âmbâle dondâ den pat âlepŋe nângâmbiâ Anutuŋe heŋgemgoyekbiap dâm luâk âmbâle siâ siâgât ukenyeŋe meman. Akto ye hainâk Yuda luâk me Girik luâk bikŋe akto Anutugât luâk âmbâle yeŋgât dewunyeŋân dosa bâlâk manbiâ yekbiâ bo bâliwiapgât yâk yeŋgât nângâyeŋgiwei.

11

Luâk âmbâle keinenne.

¹ Galalupne, nâ Kristo wan me wan miep are hainâk meman aregât ye hainâk nângât agak memene watbei.

² Ye nâ wan me wan agân are nângâm makmâ hâre hârenaet den are watmâ mali are nângâre âlepŋe aktâp.

³ Dâ ire siâ maktere nângâŋet. Anutu âmâ Kristogât Kautŋe akto Kristo âmâ luâk nengât Kautnenŋe akto luâk amâ âmbâle yeŋgât kautlupyene.

⁴ Aregât luâk siâ sâŋgumŋe kautŋe tigem kinmâ Anutu ulilaŋbiap me Anutugât den dât makmâ miawakbiap amâ kautŋe aŋun meanbiap.

⁵ Me âmbâle siâ sângumne kautne bo tigim kinmâ Anutu ulilañbiap me Anutugât den dât makmâ mi-awakbiap are âkâ hainâk kautne añun meanbiap. Akto âmbâle gulip manmai olop are dopyene konogâk aktâp.

⁶ Aregât keñe amâ hin. Âmbâle siâ Anutu ulilañberâm kautne bo tigim kinmâ hâkne mem agatmap aregât yeñe âmbâle bâlene siâ kautne dumutne hârem anditmai aregât âmbâle are añun añgiâkgât kautne dumutne hârem anditbai. Dâ âmbâle hain arekne añun añgim âmâ benne âlepne kautne tigim manbiap.

⁷ Luâk âmâ kautne bo tigim manbiâp. Yâk Anutugât tirip akto Anutuñe ikeñe kârikne mi-awagâkgât mânginenegep. Dâ âmbâle amâ luâkgât pagalene ulikne.

⁸ Luâk amâ âmbâle gâlânba ulikñân bo mi-awagep. Amâ âmbâlene luâk gâlânba miawagep.

⁹ Akto Anutuñe luâk âmbâlegât akmâ manbi-apgât bo mângiep. Bo. Amâ âmbâlene luâk tângom manbiapgât mângiep.

¹⁰ Aregât âmbâlene luâkgât amukñân mandâpgât sângumne kautne tigiangim manbiâp. Amâ yân mando Añeloñe ekbiâ bâliwopgât.

¹¹ Aregât hanâk luâk ikeñeâk ikeñeâk manmâ âgâwai me âmbâle ikeñeâk ikeñeâk manmâ âgâwai aregât Kembuñe âmâ bo makmâ hâriep.

¹² Gârâmâ Anutuñe luâk mem âmbâle ketuguep. Dâ hinne âmbâle memelupnenne yeñgâlânba luâk miawakmaen. Akto siâ siâ are hârok Anu-tugâlânba miawagion.

¹³ Aregât ye yeñeâk den are mem nângâm

hengemgom potatbei. Âmbâleŋe kautŋe bo tigiakmâ Anutu ulilaŋbiap are âmâ agak meme âlepŋe me gain? Bo.

¹⁴ Aregât keiŋe hin. Luâk âmbâle nengât agak meme âmâ hekat yeŋgimap. Amâ benŋe hin luâk siâ dumutŋe kâlep are âmâ bo huraguâp.

¹⁵ Dâ Anutuŋe tigiakŋet dâm âmbâle dumutyenŋe kâkâlep yeŋgiep are âmbâle dumutyenŋe kâkâlep are âmâ âlepŋe.

¹⁶ Akto luâk siâŋe iregât denŋe borâm hâkân akmâ kuk akbiap âmâ yâk âkâ hin nânŋâm hengemgowiap. Anutugât kâmotlupŋe aposolo nen amâ âmbâle kautyenŋe tigiangim manbei dâm manmaen.

Kembugât sot hilipkoyi.

¹⁷ Akto den siâ hin. Ye mendugum kinbiâ agak meme âlepŋe bikŋeâk miawakmap. Dâ agak meme bâleŋande dondâ miawakmap. Are nânŋâre bâliâp.

¹⁸ Akto yekâ agak meme hin akbei. Yeŋeâk miti emetjân âgâm hârem potalakmai. Nâ den iregât bunŋe me gain dâm bikŋe nânŋân.

¹⁹ Akto ye hain akbiâ âmâ hâmbâi luâk âmbâle bikŋe agak meme âlepŋân manmai are tekteŋjân miawakbiâ yekbai. Are miawagâk dâm hâreakmâ awam mewam akmai are yeŋgâlân miawaktâp.

²⁰⁻²¹ Akto yeŋgât agak meme hin nânŋân. Ye mendugum kinmâ konok konok hârogâk dowâk yeŋaet sot areâk nemai. Hain akbiâ bikŋe âmâ mop yeŋe aguep. Dâ bikŋe âmâ tu kârikŋe dondâ nem biwi gulip akmai. Aregât ye Humonennjaet sot bo nembai. Bo.

²² Ye sotgât nângâm âmâ benje emetyenân tatmâ ain sot tu nembei. Agak memeyenje nângâm hin dân. Yeje âmâ Yesugât kâmot yengât nângâmbiâ yânje akto galalupyenje sot bo tatyengimap are bikje bo yengimai are âmâ yengimbiâ anjun meyenimai. Nâ yengât gain gain makbe? Nâje hanâk yengât kotyenje mem agatbian me bo? Bo, agak meme akmai are nângâre kambiamne bâliep.

Kembugât sotgât den.

²³ Akto Humonennande sot aregât keije hekat niŋdo emelâk makyengiân are lâuwâje makbe. Hândâknân Yudasi Yesu gasalupŋaelân katberâm agep sop ain Yesu Humonenne sot mem

²⁴ Anutu âlepje dâm mepaije mem maganmâ munditmâ hin dêep, “Nunaelân dop katmâ makyengire nângânet. Nângât pat nelâm yengiwopgât sot ire nem manbei.”

²⁵ Hain dâmbo nembia bo akto wainj hâpurâ siâ mem hin makyengiep, “Wainj irekje Anutugât dâp irakje miawakbiapgât nugumbiâ gilâmne gewerâp aregât dopje aktâp are nelâm yengiwopgât tu ire nem manmâ âgâwei.” dêep.

²⁶ Ainba âmâ Humo moep aregât den pat makmâ âgâwei ye sot tu nem akmâ âgâm manbiâ Humonenne togowiap.

²⁷ Hain gârâmâ luâk âmbâle siâje kotje hanâk hanâk akmâ tu sot are nembiap amâ Humonennaet gilâmje kâim hâkje yengimbo kombiâ moep are hâkâŋ akmâ mando dosa miawaganbiap.

²⁸ Aregât dosa Anutuje kondo bâleje humo miawaganbiap aregât ye nem kinbaiân ainâk bi-

wiyenje ekbei. Biwiyenje ekbiâ ârândân akto ainâk âgâm sot tu nembei.

²⁹ Luâk siâ Kembangât sot bunje bo ekmâ nânğanmâ heñgemgom nemiap yâk âmâ dosa membiap.

³⁰ Dâ yengâlân gâtne hanâk hanâk agi aregât kundat mem miawakmâ bikne mom meteyi.

³¹ Gârâmâ nen biwinenje mem potatmâ heñgemgoyion dâine Humonenñande umatne ire bo nengimbo miawakbop.

³² Dâ Humonenñande umatne ire nengiep aregât hin nânğâmaen, “Humonenñande biwinenje orem miwindik nengiepgât hain agep.” dâmaen aregât siân hângât luâk âmbâle denân hâkyenje tunbiap ainâk nen tunbop.

³³ Hain gârâmâ Anutugât sot nenegât mindugum bikne yengât âkâ lâmyengumbiâ togom metembiâ nembei.

³⁴ Akto mindugumbiâ gulip akto Anutuñe hâuñe yengiwopegât hin akbei. Yengâlân gâtne bikñande sotgât mopne agumbo âmâ ulikñân yeñe emelan nembai. Gârâmâ den bikne amâ nunak togomân âmâ makmâ heñgemyenjuwian.

12

Heakne âi memap.

¹ O Galalupne, Anutugât Heakne yâkne âigât wan me wan nengimap, aregât pâpkowâi dâm makyenjiwe.

² Ye nânğâi. Ulikñân bâleñe ambolupñande siâ me siâ lâpio den bo makmai yengâlân oloñ yekbiâ yekâ lâpio yengât nânğâmbiâ bunje agep.

³ Akto siâñe Yesu bâleñande kondo bo akbiap dâambo âmâ Anutugât Heakñande kautñân bo memap. Dâ luâk siâñe Yesu amâ Humonenñe dâambo âmâ Anutugât Heakñande kautñân mendâp are nâñgâm henngemgoweï.

⁴ Akto Anutugât Heakñe konogâk tatâp gârâmâ kautnenñân mem okot âlepñe nengimbo kulem kotñe hârok miawak nengimap.

⁵ Dop hainâk âi wan me wan dondâ tatnengiâp gârâmâ Humonenñe konogâk tato honj bawa agañmaen.

⁶ Hainâk Anutuñe konok âi kotñe hârok nengimbo âi are âlepñe kenuñmaen.

⁷ Aregât keñe hin. Anutuñe Yesugât kâmot hârok âlepñe manbai dâm ikinâet Heakñe hunñunãdo nen tânaguwaengât konok konok meme aknengimbo âi siâ mem kârikñe kenuñmaen.

⁸ Aregât nengâlân gâtñe siâ Anutugât Heakñande meme agaño den bunñe makyenñimap. Dâ nengâlân gâtñe siâ âmâ memene agaño nâñgâ nâñgâ âlepñe nâñgâm manmap. Gârâmâ Heak konokgât.

⁹ Heak kârikñe arekñeak agaño han biwiyenñe Yesu nâñganñmâ kârikñeâk katmâ manbai. Dâ Heak Kârikñe arekñeak luâk siâ agaño diwirâ kundatdâ makto âlepñe akbai.

¹⁰ Dâ siâñe âmâ kulem memap. Dâ siâñe âmâ Anutu wan me wan akbiap aregât keñe maknengimap. Dâ siâñe âmâ sinduk baniara yâkgât keñe nâñgâm potat yekmâ ire âlepñe ire bâleñe dâm aregât nâñgâmap. Dâ siâñe âmâ den siâ siâ makmap. Dâ siâñe âmâ den siâ siâ are nâñgâm nengât denân purikmâ keñe maknengimap.

11 Akto wan me wan ya maktân ire amâ Anu-
tugât Heakñe konok irekñeak nângâ nângâ dondâ
mem ukenñaet akmâ kinmâ kinmâ nângâ nângâ
are Yesugât kâmot konok konok siâ siâ ârândân
nengimap.

*Hâknennje amâ konogâk, dâ siâ me siâñe amâ
dondâ.*

12 Ya maktân aregât den dopñe kulemgowe.
Luâk amâ hâk nennje konogâk amâ siâ siâñe hârok
âmâ dondâ. Akto siâ siâñe hârok amâ hâk konogâk
are dop hainâk Kristogât kâmot dop konogâk ak-
maen.

13 Akto Kristogât kâmot nen amâ siâ siâ Yuda
luâk âmbâle akto Girik luâk âmbâle akto biken amâ
hoñ bawa manmai dâ siâ amâ luâk kotdâ man-
mai gârâmâ Anutuñe hanâk dâm ikinjaet Heakñe
hunñun anjo meme wâtñe aknengimbo hâk biwi
konogân agion.

14 Hâk are amâ konok bo. Amâ siâ me siâñe
dondâ.

15 Aregât keinennjande hin dâwop, “Nâ bânñe bo
aregât nâ hâkgât bo tatman.” dâwop. Keinenñe
amâ hâknennjaet bikñe.

16 Akto ondoppenñe hin dâwop, “Nâ hâkgât
dewunñe bo aregât nâ yân hâkgât bo agân.” dâwop.
Âlepñe ondop nennje âmâ hâknennjaet bikñe tatâp.

17 Akto nengât hâknennje dewunnenñe humo
konok akmap dâine ondoppenñe bo tato den bo
nângâwâen. Akto hâknennjaet ondoppenñe humo
konok akmap dâine hâme nennje bo tato higenñe bo
nângâwâen.

18 Dâ hâknennje hain bo. Anutuñe ekmâ nângâm kinmâ nângâ nângân luâk dewatim konok konok hârok kalep.

19 Akto hâknennje ikiñeâk bikñeâk konok dâine hâk bunñe amâ bo tatnengiwop.

20 Amâ hain bo. Hâkgât siâ siâñe dondâ. Dâ amâ hâknennje konogân akmap.

21 Akto dewunnennjande bâtnennje hin magañbop, “Gâ bo tatât dâine nâ nunak âlepñe tatbom.” dâwop. Me kautnennjande keinennje hin dâm bo magañbop, “Gâ bo tatât dâine nâ nunak âlepñe tatbom.” dâwop.

22 Hain bo hâknennjaet biken amâ kârikñe bo dâmai are bo tatâp dâine hâk ire âlepñe bo tatbop.

23 Akto nengât hâknennje bikñe ekbâirâm are sâñgumñe âlepñe tigimaen. Akto hâknennje bikñe âlepñe dâmaen are amâ bo tigimaen.

24 Gârâmâ Anutuñe hain bo akmap yâk hâk keñe hârok mem mendugum ketuguep. Aregât hâknennje bikñe kotñe bo dâmai are Anutuñe kot dondâ yeñgonlep.

25 Yâkñe hain agepgât amâ hâknennje hogoakmâ biken biken akbop. Dâ biken biken tânagum kinbaigât Anutuñe hâknennjân kotñe bo are dâmaen ikiñeâk ikiñeâk yeñgonlep.

26 Aregât hâknennjân konokñe hâk hilâlâmñe nângâmbo hainâk hâknennje hârok hilâlâm nângâmaen. Dâ hâk bikñande âlepñe kinbiâ hârok heronje akmai.

27 Den ginñe yu kulemgoân aregât keñe hin. Ye Kristogât kâmot hâkyenjaet dop hainâk konogân agi. Akto ye konok konok Kristogât hâkñe siâ siâñe

akmâ manmai.

²⁸ Akto Anutuņe Yesugât kâmot are hutnennân hin katnenegep. Nengâlân ulik gulik bikņe Aposolo akņet dâm katnenegep. Dâ hamiņân luâk bikņe Anutuņe wan me wan akbiap aregât keiņe makbiâ nâņgâmaen. Dâ hamiņân luâk bikņe den kepikmâ makyenġimaen. Dâ hamiņân kulem kotņe siâ siâ memaen. Dâ hamiņân kundatdâ henġem yenġumaen. Dâ hamiņân kârikņe bo tatyenġimap are tân yenġumai. Dâ hamiņân puli me emet me âigât damunnenņe akmai. Dâ bâiņe âmâ den siâ siâ makmai. Luâk âmbâle ya yenġondân are Anutuņe âi aregât katyegep.

²⁹ Aregât Yesugât kâmot nen âmâ Aposoloâk hârok bo akmaen. Akto Anutuņe wan akbiap are nen hârok bo makmaen. Akto hârokņe bo den kepikmâ makyenġimaen. Akto kulem siâ siâ hârokņe bo memaen.

³⁰ Akto hârokņe bo kundatdâ henġem yenġumaen. Akto hârokņe den siâ siâ bo makmaen. Akto siâ siâ are nâņgâm bo purikmaen.

³¹ Akto Anutugât Heakņe memenņe aknengimbo wan me wan âlepņe bikņe ewangiyekmai are egâlianmâ niņben dâm Anutu ulilanbei. Dâ okot âlep nengimap aregâtņe siâ siâ hârok ewangi yekmap aregât keiņe makyenġiwe.

13

Han kalemġât keiņe.

¹ Galalupne, nâņe âmâ luâk yenġât kepia siâ siâyenġât makmâ anġelo yenġât den hainâk makmâ âmâ han kalem bo akyenġim âmâ makmakne amâ

yân munjeâk makman. Amâ gunjâne indemap hain makman.

² Me Anutugât nângâ nângâ katbiap are nângâm makyengiman me wan me wan yonâk tatmap are nângâm meteman me biwine kârikne kat katgât tatniŋdo aregât gimbanje maganđere biken arimap gârâmâ okot âlepgât dâp bo tatniŋdâp amâ yânne akman.

³ Me nângât siâ siâ hârok luâk âmbâle umburuk yenjiwiap me gasa togombiâ hanâk manmanje bo gangerâm amâ hâkne hâkâne dâre kâlâwân katnekiâ ombiap. Dâ amâ han kalem bâlâk manman amâ siân âi aregât hâuŋe bo miawakniŋbiap.

⁴ Akto luâk siâ han kalem akmâ okot âlep agakgât talaŋbiap arekne siâ siâ aganmâ dowâk bo kutigitmai. Akto luâk dondâ tân yengumap. Akto luâk siâ me siâ undup miawaganđo are nângâmbiâ bo bâliwiâp. Akto âgâ âgâne bo akmap. Akto yenjaet nângâmbiâ bo âgâmap.

⁵ Akto luâk âgâ âgâne kotne hanâk hanâk bo makyengimap. Akto ikinjaet ukenne bo watmâ amâ galalupne yengât ukenyene watmap. Akto kambiamne dowâk bo bâlimap me yâkgât akmâ bâli anbiâ are yengât bo nângâmap.

⁶ Yâk bâleŋande sambelem arimbo nângâmbo âlepne bo akbiap. Dâ den pat âlepŋande sambelem arimbo nângâmbo ârândâŋ akbiap.

⁷ Yâkne umatne siâ siâ hârok lokomap. Akto hilâm ârândâŋ Anutugâlân biwiŋe humo katmap. Hain akmâ Anutugât mârurum lâmgomap. Akto umatne siâ siâgât kârikne akmâ kinmap.

⁸ Akto okot âlep agak meme are amâ dowâk bo boakbiap. Are amâ manmâ manmâ âgâwiap. Dâ

Anutugât den âlepne makmak arekne âmâ âine bo akbiap. Akto den siâ siâ keine keine are amâ bo akbiap. Akto nângâ nângâgât âi meme arekne âmâ âine bo akbiap. Dâ okot âlep agakgât amâ bo boakbiap.

⁹ Akto hinne âmâ nângâ nângânenne amâ bikneâk bikneâk nângâmaen. Akto Anutugât den âlepne are hainâk bikneâk bikneâk makmaen.

¹⁰ Dâ hâmbâi âmâ wan siâ âlepne dondâ arekne miawak nengimbo âmâ sop ain siâ siâ bikneâk bo akbiap.

¹¹ Uliknân nâ nananân manminiân sop ain nanan yengât den hogoân. Akto nanan gurukne han nângâm manminiân. Akto nananyengât nângâ nângâ hain nângâminiân. Dâ hinne amâ luâk humo akmâ kinmâ nanan agak meme are hepulân.

¹² Akto nen âmâ tu bângumjân enem dewunnenne egakmaen are amâ gulip milip akmap. Gârâmâ hâmbâi sop humoân ain âmâ Anutugât enem dewunjân miawâk ekbaen. Akto hinne âmâ bikneâk bikneâk nângâmaen. Dâ hâmbâi âmâ Anutune keijnânbak nenekmâ nângâm hejgemgo nengiep dop hainâk wan me wan hekatnengimbo hârok ekmâ nângâm hejgemgowaen.

¹³ Aregât wan me wan amâ hilâmne hilâmne tatmâ âgâmap are âmâ biwi Anutugâlân kat kat agak meme akto Anutugât lângo lângo are akto okot âlep kat kat are. Dâ ire konok amâ âlepne dondâ hârok ewangiyekmap, okot âlep agak meme are.

14

Den siâ siâ magi aregât den.

¹ Galalupne, ye okot âlep agakgât kârikņe akbei. Akto okot âlep aknengimap aregât Heak âlepņe siâ siâ nengimap are Anutu ulilanmâ membei. Dâ âi ulik gulik are âmâ hâk hilâlâm akmâ membei âmâ hin. Anutugât den âlepņe makmak aregât Anutu ulilanņbei.

² Aregât keiņe makyenņiwe. Luâk siâņe den siâ me siâ makberâm âmâ Anutu konok maganņbiap. Dâ luâk olop kinbai arekņe Heakņe meme aganņdo den siâ me siâ irakņe tiktikņe makto aregât yâkgât den bo nânġâmbiâ denņe arekņe bo tânyenņgumap.

³ Dâ luâk siâņe Anutugât den âlepņe makbiap arekņe amâ luâk âmbâle tânyenņgum nânġâ nânġâyeņe are mem kârikņe ketugumap. Akto agak meme âlepņe akņetgât goanņyekmap. Akto biwiyeņe mem âlepņe ketugum henņgem yeņgumap.

⁴ Dâ luâk siâņe den siâ siâ makbiap âmâ ikiņe nânġâ nânġâ mem kârikņe ketugu akmap. Siâ bo tânyenņgumap. Dâ luâk siâņe Anutugât den âlepņe makmap are âmâ Yesugât kâmot mem kârikņe ketugu yekmap.

⁵ Ye hârok den siâ me siâ are makņetgât amâ ewiâk. Dâ Anutugât den pat âlepņe makyenņgimbiâ nânġâmbiâ âmâ ârândânġ dondâ akmap. Luâk siâņe Anutugât den pat âlepņe makmap arekņe luâk den siâ me siâ makmap are ewangimap. Gârâmâ den are purikmâ yeņjaet denân makyenņgimbo ârândânġ âlepņe akmap.

⁶ Aregât siâkâ makbe. Nâņe yeņġâlân aregen togom den siâ me siâ makyenņgire âmâ ye bo nânġâm henņgemgomai. Akto togom Anutuņe den bikņe niņep me nânġâ nânġâyeņe kârikņe agâkgât

den are me Anutuŋe wan membiap aregât keiŋe makyenŋire âmâ ye den are dowâk nânŋâmbiâ den arekŋe tân yenŋuwiap.

⁷ Aregât den dopŋe siâ makbe. Siâ me siâ golâ bo akmai yânŋe kamam me lâmun are âmâ konbiâ munŋe âlepŋe bo akto âmâ gain gain nânŋâwaen.

⁸ Me luâk siânŋe kukgât kot pâpkom kondo bâtânŋe indembo âmâ tembe loko kuk akberâm bo henŋem aguwai.

⁹ Yu maktân are bâleŋe indembo luâk bo nânŋâwai aregât yeŋe dop hainâk luâk bikŋande den bo nânŋâmai are makbiâ âmâ denyenŋe are yânŋe akmâ luâk âmbâle siâ bo tânyenŋuwiap. Amâ yân mesok gosok makbai.

¹⁰ Akto hânân den siâ siâ dondâ yendâp are âmâ luâk konok konok yeŋaet den are nânŋâmai. Akto keiŋe nânŋâmai.

¹¹ Aregât luâk siânŋe ikiŋaet den nâ bo nânŋâman are makniŋdo nânŋâm, “Wei, luâk ire âmâ denyenŋe siân gâtŋe.” dâre yâkâ hainâk nekmâ, “Woe, luâk ire âmâ denyenŋe siân gâtŋe.” dâm makto nânŋâ anŋiwaet.

¹² Akto ye amâ hainâk ye Anutugât Heak âlepŋande memenŋe akyenŋimbo wan me wan okot âlepŋât miawak nengimap. Are memberâm kârikŋe akmâ Anutu ulilanŋmai aregât Yesugât kâmot kârikŋe yeâkgât aregâlâk nânŋâm ulilanŋbei.

¹³ Hain gârâmâ luâk siânŋe den siâ me siâ makbiap âmâ ainâk Anutu hin ulilanŋbiap, “Den maktân ire mem purik katbiangât dop olowâk niŋbiat.” dâm ulilanŋbiap.

¹⁴ Aregât hin makbe. Nânŋe den siâ me siâ mak-

bian âmâ biwinânâk Anutu ulilanbian. Dâ nângâ nângâne are amâ yân tato bo ârândân akbiap.

¹⁵ Aregât hin nângân, han biwine akto nângâ nângâne are hârok mem Anutu ulilanbian are âmâ ârândân akbiap hain nângân. Aregât ye hain nângâwei. Akto biwinânâk Anutugât kotje mem agat agatgât kep memberâm âmâ ainâk nângâ nângâne olop kep membian.

¹⁶⁻¹⁷ Aregât benne ye hain bo akmâ âmâ biwiyenânâk makmâ Anutu okot âlepgât den bunje maganmâ den siâ me siâ maganbiâ denyenje arekne luâk âmbâle bikne Yesugâlân gâtne bo are bo tânyenjumap. Bo tânyenjumbo âmâ luâk âmbâle arekne denyenje bo nângâm hejenggom gain gain, “A bundâk.” dâm makbiap? Denjande bo tângombo aregât bunje bo makbiap. Aregât den âlepneâk makbiâ denyenje luâk âmbâle bikne tânyenjuwiâp.

¹⁸ Akto nâne ye hârok den siâ me siâ makmai aregât den siâ siâ makmâ ewangiyekman aregât Anutugât mepaije meman.

¹⁹ Dâ luâk âmbâle hârok mendugum kinbiâ ainâk âgâm den getek den yenân maktere nângâmbiâ nângâ nângâyeje kârikne akbiap are nângân. Dâ den siâ siâ bonângâmai are âmâ dondâ makyengim manbian aregât nângâre yânje aktâp.

Nanan gurukjande nângâmai han hainare bo akbaen.

²⁰ Galama, ye nananje han nângâmai hainare bo nângâwei. Dâ agak meme bâleje are âmâ nananje bo nângâmai ye gai hainâk bo nângâwei. Dâ nângâ nângâyeje nananj yengât hainâk bo akmâ âmâ luâk âmbâle nângâ nângârâ yengât hainâk akbei.

²¹ Anutuņe makto kulemgoyi biken hin tatâp,
 “Humoņe hin dâep, “Luâk bikņe denyeņe siâ
 Yuda luâk are yeņgâlân hungun yeņgire arim
 denyeņe siâ makyeņgimbiâ Yudagâtņande
 hanâk dâm misik nâņgât laune bo lokowai.”
 Humoņe hain dâep.”

²² Aregât luâk siâņe kepia siâgât den makto
 âmâ den arekņe Yesugât kâmot are Anutu mandâp
 aregât keiņe bo makyeņgiwop. Dâ den arekņe luâk
 âmbâle biwiyeņe Yesugâlân bo katmai are Anutu
 mandâp aregât keiņe hekatyeņgimap. Akto Anu-
 tugât den âlepņe makmak are âmâ luâk âmbâle
 biwiyeņe Yesugâlân bo kali are yeņgât bo. Are amâ
 Yesugât kâmot are yeņgât.

²³ Aregât ye Yesugât kâmot mendugu akmâ den
 siâ siâ makbiâ luâk âmbâle nâņgâ nâņgâyeņe bo
 me biwiyeņe Yesugâlân bo kali arekņe âkâ âgâm
 âmâ yekmâ, “Woe, Yesugât kâmot sinduk akmai.”
 dâwai.

²⁴ Gârâmâ ye hârok Anutugât den âlepņe makbiâ
 luâk siâņe nâņgâ nâņgâņe bo me biwiņe Yesugâlân
 bo kalep arekņe nâņgâmbo denyeņe arekņe biwiņe
 erâmbo ikiņaet agak meme bâleņe nâņgâmbo ye are
 ekmâ yâkgât keiņe nâņgâm heņgemgowai.

²⁵ Akto yâkgât bâleņe miawakto aregât hâkņe
 mendo gembo Anutugât kotņe mem agatmâ
 yekmâ hin dâwiap, “Bundâk, Anutu hutyeņân
 tatâp.” dâwiap.

*Mitigât menduguwerâm âmâ han gâliwân bo
 menduguwaen.*

²⁶ Hain gârâmâ gain akbai? Menduguwaiân siâ
 amâ kepgât. Dâ siâņe âmâ makyeņgiwiapgât mem-

biâp. Dâ siâ âmâ Anutuņe wan me wan akbiap aregât keiņe makyenġiwiap. Dâ siâ âmâ den siâ siâ makbiap. Dâ siâ âmâ den are purikmâ den yeņân makbiâp. Are amâ hârok luâk âmbâle mem kârikņe ketugu yekmapgât.

²⁷ Akto hanâk dâm den siâ siâ makberâm akbiâ ainâk luâk konok me lâuwâ areâk den siâ siâ makbai. Akto hârokņe olowâk den bo akbai. Siâņe soņ makto siâņe hamiņân makbiap hain akbai. Hain akbiâ âmâ siâņe âmâ den are purikmâ makyenġiwiâp.

²⁸ Dâ den purik purik luâk bo tato âmâ luâk den siâ me siâ makmai arekņe menduguwaiân ain yân kinmâ ikinak Anutu olop den akbiandat.

²⁹ Akto Anutugât den âlepņe makmai arekņe lâuwâ me âlâwu akmâ konok konok makbei. Hain akbiâ luâk âmbâle bikņande den mem potatmâ nâņgâm heņgemgowai.

³⁰⁻³¹ Akto Anutugât den âlepņe are konok konok makbiâ ye hârok nâņgâmbiâ nâņgâ nâņgâyeņe kârikņe akto biwiyeņe owâiņe agakgât hin akbei. Yâkgâlân gâtņe siâ tato Anutuņe den siâ kalaņdo âmâ benņe luâk emelâk kinmâ makyenġimap are âmâ âlepņe makyenġim metemboân ainâk âlepņe agatmâ makyenġiwiap.

³²⁻³³ Akto Anutu amâ gulip melipgât amboņe bo. Yâk amâ biwinenņe sânduk gewiapgât amboņe akto lumbegât amboņe aregât Anutugât den makyenġiwerâm âmâ yeņæet biwiyeņe damunņe akmâ kinmâ makyenġiwei.

Âmbâleņe mitigât mendugum tatmâ den bâlâk tatbei.

³⁴ Akto Yesugât kâmot hârok mindugum kinbiâ ainâk âmbenlupyenande bo makyenġimai. Yenġât âmbenlupyenê menduguwaiân yân tatbei. Yâkne den bo makbei. Yâkne âmâ amukyenân tatbai areġât keiġe Anutuġe makto Mosenê kulemgoep hain tatâp areġât âmbenlupyenê menduguwaiân âġâm âmâ yân nânġâmâk tatbei.

³⁵ Akto âmbâleġe mete kinmâ makyenġimbo âmâ bo ârândân akmap areġât yâkne den siâ keiġe nânġâwerâm akbai âmâ emetyenân tatmâ luâklupyenê aiyenġuwai.

³⁶ Akto yenġât agak meme nânġâre bâleġe aktâp. Ye hin dâmai, “Anutuġât keiġe nengâlân soġ mi-awagep akto nenġeâk Anutuġât keiġe nânġâmaen.” ye hain nânġâmai aten.

³⁷ Akto areâk bo. Yenġâlân bikne agatmâ hin dâmai, “Anutuġât keiġe emelâk nânġâm meteyion akto Anutuġât Heak âlepġande kautnenġân mendo nânġâ nânġânenġe humo agep.” dâmai amâ hin nânġâwei. Den yu nânġe kulemgoân ire âmâ Humo-nenġaet den kârikne oyanbiâ bunġe akbiâp.

³⁸ Akto hain bo nânġâmbiâ areġât nenġe luâk areġât bo nânġâ aġmâ manmaen.

³⁹ Galalupne, den kâlep yu kulemgoân areġât keiġe bâlensiâ Anutuġât den makyenġiwai areġâlâk nânġâm Anutu ulilanġbai. Akto siânġe den siâ me siâ makberâmbiâ bo kom hârewei.

⁴⁰ Hain akmâ nânġâm mem henġemġowei akto menduguwaiân han biwi konok akmâ manbei.

15

Yesu momoġânba agalep.

1 Galalupne, nâje emelâk Anutugât den pat âlepne makyenjiân. Makyengire ainâk nângâm mem manmâ gayi. Akto ye hinje den pat âlepne aregât kârikjân kinmai aregât keije nelâmyenjiwopgât yu kulengoân aregât nângâ nângâyeje hulañagâkgât ire makbe.

2 Akto ulikjân bo henengiât dâm den pat makyenjiân are kârikje membiâ Anutuje hengemyenjuje. Dâ denje hâkâje akbiâ âmâ den hengemyenjuje are yânje akbiap.

3 Humonenjande den umatje are soñ maknijep are mem makyenjiân are keije amâ hin. Ulikjân Anutuje makto kulemgoyi bunje akto Kristoje nengât dosanenje watberâm akmâ aregât mondo dosanenje bo agep.

4 Mondo sumân hangombiâ yem hilâm âlâwuñân yem momoñânba agalep aregât keije amâ Anutuje makto kulemgoyi.

5 Akto momoñânba agatmâ Petoro miawaganjo egep. Haminjân hoñ bawalupje keiân konok yengâlân miawakyeñjimbo egi.

6 Benje haminjân luâk âmbâle hanyenje yâkgâlân kali dondâ are yengâlân miawakyeñjep. Akto Yesugât kâmolân gâtje 500 hain are ain kinbiâ are yengâlân miawakyeñjimbo egi. Akto luâk âmbâle are âmâ bikje hinje mandâi. Dâ amon siâ emelâk moyi.

7 Benje ainba Yakobo yâkgâlân miawaganjep. Benje aregât haminjân Aposolo hârok yengâlân miawakyeñjep.

8 Akto bâije memenjande nanañ mesokmâ panmap nâ dop hain akmâ miawakmâ malân

nângâlân miawakniņdo egân.

⁹ Aregât nânġât keine hin. Yesugât Aposololupņe bikņande nâ ewangi nekbiâ yânņe agân. Akto nânņe Anutugât kâmot Yesugâlân biwiyenē kali are hilip yenġuân areġât luâkņe Aposolo dâm bo yenġonmai nâ hain are agân.

¹⁰ Gârâmâ bâleņe agân are hâuņe Anutuņe bo niņmâ damunne akmâ han kalem akmâ meme akniņep areġât agak meme hinņe meman. Akto Anutuņe okot âlep nânġâ niņep are yân bo tatâp. Nânņe âi kârikņe mem Aposolo bikņe ewangi yegân. Are âmâ nunak bo. Anutuņe okot âlep niņmâ memenē akniņep arekņe nânġât agak meme are mem miawagep.

¹¹ Akto hanâk nânņe me Aposolo bikņe makyenġienņe nânġâyi areġâlâk bo nânġân. Biwiyenē Yesugâlân kali areġâlâk nânġân.

Yesu golâ akmâ agalepgât nenâkâ golâ akbaen.

¹² Akto yenġâlân gâtņe bikņe hin dâmai, “Luâk âmbâle moyi are âmâ bo agatbai.” dâmai are nânġâre dondâ bâliep. Akto nenņe Yesu mondo Anutuņe goaņdo agalep areġât denņe makmaen areġât wangât hutyenġân gâtņe bikņande hin dâmai, “Luâk âmbâle moyi are âmâ bo agatbai.” dâmai?

¹³ Dâ luâk âmbâle momoņânba bo agatbai den are bunņe dâine hin dâwâen Anutuņe benņe Yesu gai bo goaņdo agalep dâwâen.

¹⁴ Dâ Anutuņe Yesu bo goaņep dâine nenņe den makmaen ire bunņe bo akbop. Akto biwiyenē Yesugâlân kali are hainâk bunņe bo akbop.

¹⁵ Dâ hain dâine nen Anutuņe Kristo goaņdo agalep dâmaen nen âmâ Anutugât keiņe makmaen

den are hianjim mem bâliwâen. Amâ momonjande bo agatbâi.

¹⁶ Dâ Anutuņe luâk momonjânba bo oloņ yekmap dâine Yesu gai hainâk bo oloņbop.

¹⁷ Dâ Anutuņe Yesu bo oloņep dâine ye biwiyenę Yesugâlân kali are bâliwop akto dosayenę ołowâk manbâi.

¹⁸ Akto luâk âmbâle biwiyenę Yesugâlân katmâ kinmâ moyi arekâ hainâk yân manmâ âgâwâi.

¹⁹ Akto nen hân iregât manman âlepņe aregât han biwinenņande Kristogâlân nâņgâm kepilâmaen nenâmâ manman âlepņe are bo miawak nengimap are bunņe bo dâine nengât umatņe dondâ arekņe luâk âmbâle siâgât umatņe ewangimap arekņe miawak nengiwoņ. Aregât luâk âmbâle hârokņe nengât okot nâņgâ nengiwoi.

²⁰ Gârâmâ hain bo. Kristo emelâk mondo Anutuņe goaņdo agatmâ luâk momoņe yâk ulikņân akyenjim agalep.

²¹ Amâ hingât. Ulikņân Anutuņe luâk konok kotņe Adam are ketugumbo malep yâk âmâ nengât keinenņe aregât yâk bâleņe akto momogât pat miawakto luâk âmbâle hârok momaen. Dâ hainâk Yesu Kristo âmâ luâk konok Humonenņande gem mondo goaņdo agalep.

²² Aregât Adam gâlân dewatim mom metemaen. Dâ Kristo oloņ dewatim akmaen nenņe âmâ mom âmâ agatbaen.

²³ Hain akmâ âmâ Anutuņe magep dopņân agatbaen. Hin. Moyi are yengâlân Kristoņe soņ ulik gulik agalep. Akto hâmbâi purik katmâ miawakbiawân nen Yesugât kâmolân gâtņe nen hamiņân âmâ agatmâ manman golâk manbaen.

²⁴ Sop ain âmâ siâ siâ hârok bo akbiap. Akto Anutugât Nanņande Anutu wan me wan hârok are nengât kautņe Humo akbiapgât dâm Eweņande siâ siâ amukņân kalep. Sinduk baniara bâleņe akto gawamangât âi are gai kondo bo akbiap.

²⁵ Akto âi luâk kautnenņe akto luâk koldâ akto luâk kârik kârikņe are Nanņaet keiņaet amukņân kato tâliyekbiap benņe yâk kautnenņe humo akbiap ain hârok Eweņe waņbiap.

²⁶ Tatmâ âgâm âgâm gasa are erâm hambu yekbiap. Dâ bânņe gasa konogâk tatbiap are âmâ momogât dop akai bân dâm kondo bo akbiap.

²⁷ Aregât Anutunņe Kristogât makto kulemgoyi bikņe hin tatâp, “Anutunņe ikiņe hoņ bawagât amukņân siâ siâ katbiap hain tatâp.” Gârâmâ Anutunņe hain akbiawân ikiņe amukņân bo kalakbiap. Akto sop humoân den are bunņe akto aregât Kristonņe âmâ luâk âmbâle me wan me wan kotņe hârok kautnenņe tatbiap.

²⁸ Hain akmâ bân dâm Amboņande wan me wan nanņaet amukņân kato talep yâkņe hârok damunyeņe agâkgât amukņân tatmâ manmâ âgâwiap.

²⁹ Akto yeņgâlân gâtņe bikņande momoņe tânyenņe uwerâm tu pulinenekņet dâm manmai. Dâ Yesu agalep den are bunņe bo dâine momoņe siâņe bo agatbop amâ momogât akmâ bikņande wangât tu puliyekmai?

³⁰ Dâ nen hainâk wangât umatņân manmâ bâsok momaen? Den makyenņigimaen are bunņe bo dâine emelâk den are hepundenņe bo hilip nenguwâi.

³¹ Yesu Kristo Humonenņe nâ akto ye heņgem nenguep aregât yeņgât ukenyeņe akman aregât

hin makyengire nângânet. Hilâm ârândân nâne âi meman âmâ momogât pat meman.

³² Akto hângâlâk nângâmai nâ hainâk akman dâine wangât Epeso kepiân songo metne hainare olop aguagân. Aregât wan siâ bunne miawakniñbiap? Akto hângâlâk nângâmai arekne hin dâmai, “Hâmbâi mombaen aregât dowâk sot tu nemâk herone akbaen.” dâmai. Akto Yesu bo agalep dâine nenne hain dâwâen. Hângâlâk nângâwâen.

³³ Aregât biwiyene are bâliwopgât luâk âmbâle Yesu bo agalep dâmai are hepun yekbei. Nenne luâk bâlene olop bam gutbaen amâ yâkne agak memenenne âlepne nenne hilipko nengiwâi are nângâm hejgemgom âmâ hanokoakbei.

³⁴ Akto bikne hutyenânba Anutugât boâk nângâi den ire amâ ye anun meyenjiân. Aregât momonânba agatbaengât nângâm hejgemgom âmâ nângâ nângâ bâlene hepunbei.

Hâknene towatne siâ mem agatbaen.

³⁵ Akto yengâlân gâtne siâne hin ainuguwiap, “Luâk momone âmâ gain gain agatbai? Akto hâk gain hinare mem togowai?” dâwiap aregât den hâne hin makbe.

³⁶⁻³⁷ Amâ den kopañe. Gâ senjo urutmenâ hân kâlegen yem nasukne akmâ bim âgâm âmâ pâtkom kâmne gamap. Aregât gâ wan siâ siâ ya kâmetmat are âmâ yânne me momone hain are kâmetmat. Dâ are pâtkom âmâ hâkne golâ koñe hain are bo pâtkomap are nângâm hejgemgo.

³⁸ Anutune koñe amâ ikiñe konok konok hâkne siâñaet yengimap. Akto kâmetenne pâtkom âmâ

hainâk hâkne siâ siâ koaŋe hinare bo pâtkomap aregât keiŋe Anutuŋe ikinjak nânġâm heŋgemgoep.

³⁹ Akto areâk bo. Anutuŋe luâk me soŋo me duki kâwâluki are hâknenne konok bo katnengiep. Luâk nengât hâknenne siâŋaet. Akto soŋo yengât are siâŋaet. Akto lâut yengât are siâŋaet. Akto inġan yengât siâŋaet.

⁴⁰ Dâ himbimân tatmai hâkyeŋe siâ. Nen hânân manmaen nengât egeknenne amâ siâ. Akmâ himbimân tatmâ ariâi are kulemne siâ. Akto hânân tatmâ ariâi are kulemne siâ.

⁴¹ Dewutâ hilâmân gâtŋaet are siâ akto hândâġân gâtŋe are siâ akto diâ are siâ siâ hârok are. Akto diâ pagaleyene konok bo. Keiŋe keiŋe tatâp.

⁴² Aregât luâk momoŋe agatbaen are akai hainâk tatâp. Amâ hâknenne hangomaen are amâ hambumap. Dâ otnenenne akto hâknenne irakŋe Anutuŋe mem agatbiap are bo hambuwiap akto bo bâliwiap.

⁴³ Akto hâknenne amâ pagaleŋe olop bo aregât mombiap amâ yân kârikŋe bo tatbiap. Dâ agatbaenân amâ hâknenne irakŋe pagaleŋe olop Anutuŋe mem agatbiap are kârikŋe dondâ tatnengiwiap.

⁴⁴ Akto hâknenne tâmbâ ire amâ hângât aregât mondenne hâknenne hangombiâ hân akbiap. Dâ hâknenne irakŋe hâmbâi Anutuŋe mem agatmâ nengiwiap are amâ manman kârikŋaet.

⁴⁵ Akto Anutugât luâkŋe kulemgoyi bikŋe hin tatâp, “Luâk ulik gulik Adam yâk golâ akmâ agalep.” hain kulemgoep. Dâ beirâ Adam bâiŋe hinare Heakdâ manman nengiwiapgât amboŋe agep

⁴⁶ amâ Heakdâ yâkņe ulikņân bo agep. Hânân gâtņe soņ ulikņân miawagep gârâmâ Heakdâ beirâ giep.

⁴⁷ Akto hân luâk ulikņe are amâ Anutuņe hân nukum mem mângiep. Dâ beirâ luâk yâk âmâ himbimânba giep.

⁴⁸ Aregât hânân gâtņe malep hainâgâk hânân gâtņe manmai. Dâ himbimân gâtņe manmap dop hainâgâk himbingât pat mem manmaen.

⁴⁹ Akto hinņe âmâ ulik gulik luâk Adamgât hâkņe hainâk akmâ manden aregât hângâlâk akmaen aregât hâmbâi himbimân gâtņæet dâwân manmap are amâ hainâk akmâ manbaen.

Yesu togombo âmâ himbim hâk membaen.

⁵⁰ Galalupne aregât siâkâ makbe. Hâknenņande amâ Anutugât manman âlepņe bo membiap. Akto siâ me siâ hambum torok akbiapņe siâ me siâ tat tat kârikņe are bo membiap.

⁵¹ Nâņgâņet. Imâ den tipņe siâ makmâ miawakyeņgiwe. Nen bo mom metewaen. Amâ nen hârok purik âgâm hâk siâ akmâ metewaen.

⁵² Amâ lâmun humo mun akto sâņ sâņâk hain akbaen. Lâmun humo mun akto ainâk momoņande agatmâ mom hambu bâlâk manbaen. Nen hârok tirip siâ akbaen.

⁵³ Hâknenņe ire hambuwiap arekņe manman kârikņe are sâņgum hinare lugumbo gewiap. Akto momogât patņande manman kârikņe lugumbo gewiap.

⁵⁴ Haingât hambum torok akbiap arekņe manman kârikņe lugumbo gewiap. Akto momogât patņande manman kârikņe lugumbo gewiap sop

ain Anutugât den kulemgoyi bikņe kârigewiap amâ hin,

⁵⁵ “Wei momogât pat kârikņeņe yâgâte? Akto momogât pat agakņe metņe hamepņe yâgâte? Amâ bo agep.”

⁵⁶ Amâ bâleņæet patņande âmâ momogât metņe hamepņe aktâp. Akto den kârikņeņe amâ bâleņæet metņe hamepņe mem miawaktâp.

⁵⁷ Dâ Anutuņe Kembu nenņe Yesu Kristo agaņdo manman gât kârikņe mem miawaknengimapgât mepaiņe meniâm.

⁵⁸ Aregât, galalupne, âlepņe yeņe kârikņe akmâ tâlim kârigem kinbei. Akmâ Kembugât âi sop ârândâņ kârikņe agaņmâ membei. Amâ Kembugât akmâ bunņe bo akbiap hain nâņgâm âi mem manbei.

16

Yerusalem yeņgât puli mem arim yeņgiwerâm magep.

¹ Akto Anutugât kâmot tânyengune dâm puli katņetgât yu makbe. Nâņe emelâk Galatia hânân malân sop ain kepia siâ siâ arim Yesugât kâmot puligât keiņe makyenģiân aregât hinņe Yesugât kâmot yeņgiwerâm menduguwai iregât den makyenģire nâņgâm hainâk akbei.

² Sonda ârândâņ siâkâ ikiyeâk ikiyeâk tâwât dewunņe Sonda unģuņân meyi aregât dopņân nâņgâwei. Nâņgâm kinmâ bikņe potatmâ heņgemgom katbiâ emet yeņân tatbiap. Hain gârâmâ hâmbâi nâ togowianân aregât bo undâgâtmâ âmâ puli are dowâk mem miawakbai.

³ Akto hâmbâi nâ togore yeñeak luâk bikñe mem katyekbiâ luâk âlepñe aregât kulem esenñe yeñgire Yerusalem luâk âmbâle umburuk manmai are yeñgât okot âlepgât puli kali are yeñgimbiâ ariwai.

⁴ Benñe nâ olop arine dâre âmâ olop ariwaen.

Pauloñe yâk yeñgâlân ariwerâm sop kalep.

⁵ Galalupne togowian aregât keñe makyenñiwe. Nâñe Makedonia hânân arim kepiñe kepiñe âgâm bam gutmâ manmâ hân are hâtikowian aregâlâk nâñgân. Hain aktere bo akto âlepñe yeñgâlân togo miawakbian.

⁶⁻⁷ Akto hinñe sop tâlâwâk olop tatmâ ye konok bo yekberâm dowâk ariwian hain borân. Dâ Humoñe âlepñe makniñbiap âmâ benñe ye olop tatmâ manmâ âgâwian. Tatmâ mandere tânâk sopñe bo akto benñe are hamiñân siângen ariwian. Ariwerârê yeñe tân nugum mañgan nekbiâ aregât kambiamne âlepñe akto yâgâten me yâgâten dowâk âlepñe ariwian.

⁸⁻⁹ Gârâmâ uñak Epeso kepiñan âi humo tatniñdâp âi ire mem âmâ makyenñim mandere bunñe miawakbiap aregât dop tatâp. Aregât nâñgât gasa dondâ yendâp. Are nâñgâm in tatere Heak giep aregât hilâm bo akbiap. Bo akto Makedonia ain arim manmâ manmâ hepunmâ yeñgâlân togowian.

¹⁰ Akto Timoteo âmâ hinñe Humogât âi nunak meman yâk hainâk Humogât âi memap aregât hâmbâi âmâ yâk yeñgâlân togowiap. Togombo tângombiâ hutyeñân biwi sânduk mem manbiap.

¹¹ Hain gârâmâ yeñgâlân gâtñe yâkgât nâñgâmbiâ yânñe akto hamep bo agañbei. Dâ Paulogâlân

âlepņe ariwian dâambo âmâ yeukņe ketugum benne hâmbâi dâp mem kalaņbiâ yâk akto Yesugât kâmot bikņe nâņgâlân togowei. Are lângoân aregât laune lokom tângombiâ biwiņe sândugembo bikņe olop nâņgâlân togowei.

¹² Akto galanenņe Apolo yâkgât den pat amâ hin. Nâņe sop kâlep goaņmâ hin magañân, “Yesugât kâmot bikņe Korinti kepiā ariwerâm aktâi aregât gâ yâk olop ariwei.” dâre borâm kârikņe aktâp. Dâ hâmbâi yâkņe sop ekto âlepņe akto yeņgâlân togowiap.

Den bâiņe.

¹³ Galama, ye ekmâ heņgemgom Humogâlân biwiyeņe kârikņe katmâ manbei. Akto gasa yeņgât bo hamep akmâ âi mem kârikņe akmâ tatbei.

¹⁴ Wan me wan hârok memberâm âmâ are amâ galalupyene akto Anutu agak meme biwi waņ waņân okot âlepgât membei.

¹⁵ Akto yeņgâlân gâtņe siâ kotņe Stepana akto yâkgât kâmotņe Akaia hânân yâkņe soņ biwiyeņe Yesugâlân kali. Akto sop ainba ukenyeņe akmâ Yesugât kâmot tânyeņgum âgâyi.

¹⁶ Nâņe ye luâk hainare amukyeņân tatņet dâm goaņyektân. Akto galalupne luâk dondâņe kârikņe akmâ âi memai yâk yeņgât amukņân manbei.

¹⁷⁻¹⁸ Akto ye nâ olop bo tatâi aregât kambiamne indeâp gârâmâ luâk âlâwu kotyeņe Stepana akto Potunato akto Akaiko biwiyeņe mem sândukņe ketugumai aregât biwine âlepņe akto heroņe dondâ nâņgân. Hain gârâmâ ye hanâk luâk hainare yeņgât amukyeņân manbei.

19 Akto Yesugât kâmolân gâtne Asia in manmai arekne yengât nângâmbiâ herone akmap akto luâk âmbâi lâuwâ kotyetne Akuila akto Pisisila akto Yesugât kâmot emet yetnân âgâm mindugum kinmâ Anutugât pat makmai are Kembugât akmâ egâlian dondâ akyengiâi.

20 Akto areâk bo. Nen ire hârok biwinenne Yesugâlân kalion nenne yengât herone marone akmaen. Akto ye Anutugât luâk âmbâle aregât mangan akbei.

21 Akto emelâk maktân are maktere luâk siâne kulengoâp. Dâ den bikne ire âmâ Paulo nunak okot nângâyengiân aregât bâtnande kulengoân.

22 Akto luâk âmbâle siâne Humonnenjaet okot âlep bo wanbiap Anutune yâk hilip kowiapgât ulilandân. O Humonnenje gâ dowâk togowen.

23 Humonnenje Yesu Kristone damunyenje akmâ okot âlep akyengim memene akyengiâkgât ulilandân.

24 O Galalupne, ye Yesu Kristogât kâmot aregât yengât okot âlep dondâ nângân.

Yusugât Pat Âlep Den
The New Testament in the Timbe Language of Papua
New Guinea
Nupela Testamen long tokples Timbe long Niugini

copyright © 1987 Wycliffe Bible Translators, Inc.

Language: Timbe

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Apr 2025 from source files dated 31 Aug 2023

03f82704-6ad1-5094-a78e-e240d9f2d4f8